

擇石齋詩集



璠

石

齋

詩

集

康熙癸巳載生六齡九月所生母陸夫人見背十月大夫遊
京師我母朱夫人無所出載二齡卽鞠于夫人于是教之就
塾教之讀書饑寒出入雨風冰雪母心兒身以年以日戊戌
而大夫歸乃教之爲詩大夫學舉業于陸堂陸先生講經學
于竹垞朱先生中歲愛陸務觀詩回谿草堂之前種梅兩樹
莖蘭數盆案所常置者汲古閣初印本劍南詩集渭南文集
也于是載之所自爲詩者積有帙
世宗憲皇帝詔天下舉博學宏詞之士雍正乙卯夏本縣府
申載于省總督考取以入奏

皇上登極重申

前詔乾隆丙辰中外所薦士雲集京師九月
御試于保和殿而載卷不可以中選歸而境益困辛酉夫人

棄諸孤。丁卯大夫捐館舍。嗚呼鮮民之生。不如死之久矣。以學侶之相牽也。復客京師。已已。

也。皇上詔天下舉經學之士。朝之大臣以載入奏。夫昔之所爲。思竊祿以逮養也。今之所應。非冒才以希榮耶。雖然辭則妄。

聖人在上。萬物皆將有以自見。矧其列鬻序志科名者哉。辛未議罷。明年恭遇。

皇太后六旬萬壽恩科。中式順天鄉試。

廷試成進士蒙

恩改庶吉士。于是載年四十有五矣。官翰林詹事者二十有二年。爲侍從者十有六年。伏思遭逢

聖主。

鴻文彌乎宇宙。固不敢自躋著作。亦不敢自揀職業。且兩膺薦舉。銖寸工夫。尚冀補前之闕。若持此區區。其何以報我二人無窮之心。蓋載之所負疚者。非一端矣。于是姑存其所謂詩者。始丁巳嗚呼。陸夫人棄不孝甫六齡。重經癸巳。迴想音容。六十一年之上。恨載不克承錢之先烈。然猶得以縷述此。則所爲銜哀而私幸也。己乾隆三十有九年。歲次甲午。四月十日。錢載書于宣南坊屋。時年六十有七。

四十有八年癸卯二月蒙

恩。予原品休致。幸歸田野。五六年來。僻居窮巷。時復讀書。嗚呼。自少壯以來。實常有慕于古人之事。顧事事不能。疚心非一。豈其力之不逮。心也。悠悠因循。蹉跎畏蕙不前。蓋不足。以爲人。今病矣。懋甚。固知無及于自責矣。八十一歲。田野餘生。

徒然尚荷君恩仍次其甲午以後迄今所自以為詩者綴于卷俯仰難言蓋莫得而惜之矣先夫人誥贈夫人陸氏卒日為康熙癸巳九月廿二日迄今戊申九月廿一日七十又六年載不孝一生負疚多端其何以見于我生母也身被高厚深恩嗚咽述此

稗石齋詩集總目

第一卷

乾隆丁巳三十九首

二月偕馬墨林南歸建中招閱邑試卷

館桐鄉汪氏嘉定黃明府

附錄

雍正戊申一首

壬子一首

第二卷

戊午二十二首

館汪氏四月遊桐廬

己未三十一首

松江某太守招閱府試卷

第三卷

庚申一百五首

秋遊吳門九月館德清徐氏

第四卷

庚申三十一首

辛酉四首

館德清徐氏 五月朱夫人卒

壬戌二首

五月葵朱夫人 七月鴻錫夫

第五卷

癸亥四十八首

九月長洲馮明府招閱邑試卷

第六卷

甲子三十首

鄉試寓清隱菴 復館德清

第七卷

乙丑四十三首

館德清

第八卷

丙寅八十八首

館德清 讀書西湖趙莊

第九卷

丁卯三十九首

正月葯房公卒 四月入都 六月侍文瑞公之江西 十月抵家 十二月復抵都 館虞山相國蒸光橋第

第十卷

丁卯三十八首

第十一卷

戊辰五十首

館蔣氏

第十二卷

己巳六十六首

館蔣氏 舉經學 七月偕蔣司農之木蘭

第十三卷

庚午十二首

考取教習

辛未三十四首

補教習

壬申二十五首

鄉會試 聯捷 改庶吉士

第十四卷

癸酉四十七首

第十五卷

甲戌四十七首

閏四月散館授編修 秋七月乞假歸葬 十月葬葯房府君

第十六卷

乙亥二十一首

冬入都 十月啓行 十一月抵都

丙子二十七首

第十七卷

丁丑五十八首

分校會試

第十八卷

戊寅五十一首

二月大考二等 七月充功臣館纂修 十二月署講官

第十九卷

己卯五十八首

京察一等 六月典試廣西 家眷抵京 十月復署講官

第二十卷

己卯五十一首

第二十一卷

己卯六十五首

第二十二卷

庚辰五十三首

分校會試 七月充講官 十月充續文獻通考纂脩官 十月遷右中允

第二十三卷

辛巳二十八首

六月擢侍讀講 八月遷右庶子

第二十四卷

壬午四十七首

京察一等

第二十五卷

壬午四十九首

第二十六卷

癸未四十九首

五月大考三等降編修 賞還庶子

第二十七卷

癸未二十首

甲申四十首

第二十八卷

乙酉二十二首

京察一等 閏二月選侍講讀學士 典試江南

丙戌二十七首

分校會試 十月選少詹事

第二十九卷

丁亥四十八首

十月賜硃批上諭 稽查左翼宗學 十二月選詹事

第三十卷

戊子二十五首

二月以講官扈蹕 謁 泰陵

己丑三十六首

二月扈蹕 盟山

第三十一卷

庚寅三十六首

第三十二卷

辛卯三十六首

十月充武殿試讀卷官

壬辰二十首

第三十三卷

壬辰四十七首

第三十四卷

壬辰八首

癸巳二十八首

十月擢閣學

甲午二十二首

六月典試江西 乞假歸里省墓 十月回京

第三十五卷

甲午五十六首

第三十六卷

甲午三十三首

乙未十五首

三月扈蹕盤山 五月扈蹕熱河 七月入直上書房 十月充武會試總裁

第三十七卷

乙未六十三首

第三十八卷

乙未十三首

丙申三十首

五月視學山東 六月抵任 七月試曹州 八月試兗州 廿八日謁林廟 九月試沂州 十月試泰安 登岱 十一月試濟南 十二月試武定

第三十九卷

丙申十二首

丁酉十八首

正月試登州 二月試萊州 三月試青州 四月試曹州 五月試東昌 六月試臨清 七月回京仍直上書房

戊戌三十五首

五月教習庶吉士 閱直省拔貢朝考卷 充武殿試讀卷官

第四十卷

己亥七十七首

三月充四庫全書總閱 五月扈蹕熱河 六月典試江西

第四十一卷

己亥二十八首

庚子二十六首

二月命往秦蜀祭告 四月升禮部左侍郎 六月典試江南 七月張夫人卒

第四十二卷

庚子五十一首

第四十三卷

庚子五十九首

第四十四卷

庚子四十五首

二月知貢舉 四庫館廂房坍塌革當

辛丑二十首

第四十五卷

辛丑四首

壬寅五十首

五月扈 蹕熱河

第四十六卷

壬寅二十二首

第四十七卷

癸卯三十八首

三月休致 八月啓行 十月抵里 十二月張夫人

甲辰二首

迎駕西湖進畫五幅 賞緞

乙巳五首

百泉公歸

第四十八卷

丙午十首

冬葺漱上山樓

丁未五十五首

第四十九卷

戊申五十二首

八月得中風疾

第五十卷

巳酉一首

定文集

庚戌一首

辛亥四首

壬子五首

九月重赴鹿鳴宴

癸丑二十二首

九月廿一日卒

翁覃溪先生評用藍筆錄 原本藏衍石齋

頤璣桐先生評用硃筆錄 原本藏上海昌玉水舍人處

送祖心壺先生評用胭脂筆錄

道光丙申夏五月聚朝謹錄於宣南坊寓屋



揮石齋詩集卷第一

秀水 錢 載 坤 一

丁巳 三十歲

二月由都門旋里 括閱邑試卷

館桐鄉汪氏 嘉定黃明府建中

太液池曉望

春生暖城市日出麗臺沼從容橋上經遊息羨魚鳥溼柳金
霧披融冰玉煙渺蓬萊滄海起河漢紫垣遶復日近
帝光歌衢徹天表

。古琴

歲久紋斯斷材良尾不焦彈非無汲郡製或自雷霄木落高
山石天空大海潮以之橫膝坐詎獨萬情超

雪夜

霰粒晚如米飄瞥遂無聲牕燈囧初更街柝沈三更洋洋竟

焉薄寒切。寓屋身淒淒。隔我夢默默。思我親老梅。外塾倚修竹。中廚鄰荒雞。喔喔鳴天意。其為春我行。非踐地。我出非干人。悔殊昔賢讀。而豈有私貧。

送祝大上舍維誥之遵化

身非一酒徒。金盡未歸吳。況以雪風別。益令書劍孤。鳳凰難飽食。騏驥有先驅。明夜石門驛。與君清夢俱。

整陽

雲斷峯孤立。天陰客早休。棗林疎未葉。茅店冷如秋。四十泉難記。迢遙夢與流。那知今夜雨。全不為花愁。

訪河渡口

費縣泉東注。沂州岸北環。古田猶自綠。曉月為誰彎。廟立空腔樹。村堆沒骨山。南鴻高的的。春暖亦知還。

邾城霧

車行邾子國。懍懍月西落。非影何數入。聲吹無聲但相掠。初連飛麪沙。旋下遮山幕。近殊渺分明。遠或加舛錯。如夜夢曹騰。似海潮隱約。彥輔天謾論。公超市難託。羽岑鬱律思。沂涘微茫度。傾蓋失臂交。溥兮露猶若。

紅橋二首

得草將泥越燕。染雲翦水春風。廣陵城北艇子。橋影曲闌白紅。大雷小雷不見。五里十里春田。山橫碧草愁外。人在斜陽酒邊。

上巳登平山堂

餉香粥白滿市。擔疲驢獨跨來。趨趨此州此堂。復此日袷衣。

以迢遙夢對四十泉正如老杜七十尋常四十飛騰之對

瘦影無人參謾謾萬松響白雲如水涵牆根老梅條綠萼猶
可簪淮岑江岫好螺髻與堂上下浮青藍殘碑自畱峴首勝
往句不負荆公慙煮茶開小亭井底泉何甘佛香醃醃流西
寺深相探春風年年柳穆穆年少行樂我尙堪歐陽公朝中措詞
手種堂前楊柳別
來幾度春風又行樂直
須年少尊前看取衰翁愁心莫值湔袞女指點飛花揚子南

真州二首

回首江橋幾闕詞東風翦翦雨絲絲折花對酒難尋伴一霎

船過愛敬陂徐鉉陳公塘詩折花開立久對
酒遠情多陳公塘一名愛敬陂

篷牕無語看潮生瓜步山低漸近城多謝竇家門外柳向人

今日作清明劉商宿白沙洲寄常宅
詩柳條垂岸

秦淮河上二首

籬門五十六所柵塘二十四航祇有青溪一曲曾見瑯琊諸

王上塚過寒食節瞻園問大功坊風箏城裏高放暖煞家家

綠楊吳下諺云楊
柳青放風箏

空記林泉第一苦畱風雨相兼辛夷開後水榭乙鳥飛來畫

簾手帕圖憐時世春燈影笑鞞鈴江山不改千古生子當如

紫髯

晚出聚寶門看桃花二首

已過長干寺不識長干里花枝殷復殷奈何雙燕子

莫尋雲光師試上木末祠細石非瑪瑙夕陽是胭脂

登燕子磯望金陵

觀音門外春風溼磯石橫當大江立磯頭客袂吹江急岷山

脈趨建康中脊而降翕復張雞籠覆舟鍾阜石頭孫郎作始

江爲溝長淮羣山合沓以內向昆明秦瀆環宮流司馬劉蕭

元氣中聲

陳與李。割裂竊據。悲徒爾。江為家。戶准籬。樊指麾。半壁誠難。安何來。興王混區夏。再傳宗。祔仍相。殘江乎。江乎。吾酌汝。南。北之限。吾勿與。波寒野靜。天收雨。舉酒問天。天不語。江月白。江花開。庾蘭成賦。千秋哀。可惜春風閱霸才。

觀音閣

京口為北府。姑孰為南州。大江黃花水。直到閣下流。

太常公墓松 并序

海鹽縣之彭城公墓在焉。直穴後高阜。老松一本。挺立可四十尺。無旁枝。惟一枝下垂如臂。及杪則仰生百十小枝。四布如指。每一小枝復生十百小枝。交錯均齊。葉密如鍼。濃翠特異。他松圓如輪。輻大踰徑丈。雍正己酉春。結成鄉中。稱曰松毬。蓋百歲老人所未覩也。七世孫載拜墓下敬賦。

曉隴生雲碧。蚪柯蔭穴尊。千枝元一蓋。正氣自靈根。列傳垂明史。遺經庇遠孫。里人知愛惜。忠孝澤長存。

璉市

綠榆村舍過。纒絲煙重風輕。麥穗知何處。陰陰雙桂廟。玉簫迎送喜神吹。元黃玠云璉市有雙桂廟。稽司徒女墮并死樹。有靈怪人家喜慶歌樂之事。必祭之。如喜神。

華及堂桐花歌 同汪七署正筠作

清明桐始花。逾月黃亂吐。當暑碧瀟灑。晴粉墜無數。桐溪小堂畱客住。臥起婆娑一桐樹。柔條黯澹封暖煙。細朶零星蓄清露。丹山萬里仙窟姝。桐生何啻千百株。爾何落塵土。蔽此庭西隅。園丁笑等散材捨。我且絃琴鼓。其下月階碎。撲太古香凝入冰絲。不能瀉花花空勝金老榦。傷孤心秋風未盡還。秋雨滿地桐陰與草深。

永安湖曲二首

春初有韭秋末菘湖光南北村西東寥寥獨犬吠深竹趁海人歸斜日中

海頭曬鹽為趁海

海月初高山露微出林燈火正鳴機績麻催得織腰織好作

臧祚切

新涼白紵衣

里出腰機布

良齋石

并序

嘉定縣解之西有齋三楹壘危石於庭修竹數竿隔垣雜樹相覆石之色益蒼然余適來憩對既有感於良之義以名齋復為石詠

八月元鳥歸錢子膠城客縣齋清無對坐臥傍庭石破朶生靈根圓頂脫醜核龍臂努方展獠面鰲不赤嶽崎獨無倚寂寞性所癖在遠固非翫惟鈍庶有積若二梧三杉又一桂一

柏縱慳萬筭管庭下半寒碧乃石兀其間敢曰流輩百藏雲眾竅虛被蘇寸膚澤天高既不局地厚復不踣海郭日清霜檐陰任蕭撼

練祈雜興五首

江干竹子過秋芟箇箇黃金碧玉嵌付與小松精刻製簪頭先作鳳雙銜

黃金嵌碧玉碧玉嵌黃金其里語稱竹色之奇

八月最防憊露雨九月只愛護霜雲木棉花老岡身白正好提筐采夕曛

湖海岡阜相屬謂之岡身

茅柴白酒注缸清紅翠庭花快老晴一夜雨喧沙觜縮高橋人賣小娘煙

白鶴南飛幾日還温暾草色寺門閒焚香欲借如來閣臥看橫雲一帶山

絕似老杜此細之作

此題著不得一俊語
拙樸平鈍雲石馬
得清獻詩儒氣
象出後半說莫謂
賢有高山景行之
思

采淘港北浪雲深蘆草浜西霜月陰四十二灣江到海故應
泓下有龍吟

良齋曉起懷萬二孝廉光泰

落月猶在樹高城初斷礎竹光茶竈冷蟲語石欄深舊枕失
清夢美人睽素襟芙蓉如可致露露出江潯

謁陸清獻公祠

南戒毓清粹先生今代儒緬當河津後復見伊洛徒講堂峯
泖閒聖路開榛蕪鐵冠際

聖廟鳧鳥翔高衢臣言豈中格進退恩須臾生惟鄒魯系歿
則天壤俱

憲皇初繼聖博士議允俞孔廡陪牲牢斯文良不誣舊治訪
膠城香火遺氓趨肅肅庭松陰澹澹溪日晡歷階整冠巾儼

覲媿丈夫昂藏歲三十亦是家國軀窮達契真宰德業隆本
圖初基壯且撥前迹終焉符

龍飛幸昌運貧賤奚獨愚農賈兩不任難為子舍娛悠悠
立思特渺渺歸恐殊寒帷缺芳藻聊用潔今吾

木棉歎

我聞木棉花傳自哀牢林邑高昌國地氣江淮本相得葉似
青楓花似葵花鈴倒挂同攀枝涼秋八月白絲吐一朶半朶
科頭垂科頭垂哭村姥昨日風今日雨上岡溼多草下岡溼
無土花熟防風更防雨怕似鄰州去年苦去年崇明上海海
波嘯人家屋頂龍鱗掉舊時岡隴種花處夜夜陰寒鬼燐照
我家租種橫瀝黃沙田海啞風雨愁相煎諺云山擡海潮來海
陸風雨多啞音鋤花荒
官私兩無辨蒲菟切不紡不織何能延黃婆廟烏泥溼天晴獻

雞酒願乞黃婆靈。我田若可種稻還種麥。更送春風紙錢百。

夜泊崑山

疎鐘出西鹿。單舸下新洋。沙岸幾家月。郭門今夜霜。人如楓葉老。酒對玉山涼。欲按新詞句。龍洲墓草長。

觀李文簡公勾勒竹

神則不似似不神。嘗聞子昂與仲賓。只如此幅亦神足。房山所論知何因。五莖一叢森箭筈。密葉秋風欲吹我。雀喧翻葉篠覆根。猶見江南鐵勾鎖。薊公墨灑金錯刀。溪雲之墨同時豪。忽然舍去獨勾勒。豈知公也兼相高。鴻都飛白隨所使。拂落湘煙光有斐。佳人靜擁環佩音。明月寒拊鳳鸞尾。虛空颯颯鴉義懸。文蘇仙後二百年。交趾竹卿那遍歷。吾師牕影且當前。

康里文忠公書柳集梓人傳墨蹟

日書三萬字。可奪魏公席。此卷法大令。迺媚不惟迹。楊潛今則亡。佐藝先百役。往復讀方終。明燈坐遙夕。

陸先生歸自粵西蒙貽陸堂易學刻本

白髮灘江返。圖書滿一船。貫難成獨學。悟漸自中年。遠徼應皆讀。羣經已各鐫。草堂畱數語。風雪為蕭然。

題柯敬仲畫

寒崖自有骨。危柯僵不刪。高藤倒瓔珞。借葉為蒼顏。其陰竹埽屋。屋破竹更閒。冥冥隱凡人。讀易方憂患。颺聲豈難靜。生氣何終孱。我心匪木石。且復同其頑。

穿心罐同汪上舍上墩作

莫笑中無有。懷之熱滿腔。熬煎深可耐。肝膽直難降。園曉雪

聲作月高松影。微哦放翁句。湍轉一條江。

葺填城丙舍

填至元嘉禾志作于

嗚呼先侍御。青衿効大璫。明思陵初先公以貢生首効魏忠賢思陵有青衿書生云國亡身亦隨。

萬古斯邱藏一子。兩孫耐鬱鬱。松柏行。瓦屋得五楹。歲久今無牆。六齡失生母。靈匱安西廂。陰寒風雨夜。起立痛我腸。人生豈不貧。所貴有扶將。我身非草木。天其忍枯僵。支傾懼見壓。邪許多驚惶。塗泥塞孔漏。敢曰禦冰霜。悠悠歲既晏。父母待於堂。去府百里近。拭淚歸村舩。

錄舊二首

王貞女行

從父明經桐巢屬賦

桐巢名汝翼

湛湛吳江水。有鳥名鴛鴦。君家與妾家。隔水遙相望。十五以許君。妾即罹親喪。悠悠經二閨。于飛時正當。媒氏命再通。吉

日復辰良理我玳瑁簪。綴我明月璫。虛牕對朝日。自作嫁衣裳。何為宵夢惡。君耗來踉蹌。委我玳瑁簪。捐我明月璫。虛牕對斜日。忍顧嫁衣裳。鬢髻歸君門。淚血上君堂。撫棺棺不開。白日天茫茫。强起奉公姥。獨侍不成行。入室披君帷。披帷坐君牀。許君是君婦。君婦為君孀。雄者殞。朝露雌者守。夕霜江流無時絕。孤鳥求悲傷。

輓詞為朱大孝廉沛然室張孺人作

貧士婦難為。矧其無所生。往歲在乙巳。始我交朱兄。既聘兄婦。弟同館。稽稱甥。我時年十八。越人盟復盟。襟扇披在座。一飲十日轟。安知兄婦健。巧炊力經營。兄先桐鄉居。後儗滌湖。濱親喪。久不葬。忽忽憂患。櫻寒閨。共蔬食。反服千悲縈。已西舉於鄉。北上旋南征。孺人顧而笑。君面寧公卿。辱焉理家具。

聲作月高松影。微哦放翁句。湍轉一條江。

葺塿城丙舍塿至元嘉志作于

嗚呼先侍御。青衿効大璫。明思陵初先公以貢生首効魏忠賢思陵有青衿書生云國亡身亦隨。

萬古斯邱藏一子。兩孫耐鬱鬱。松柏行。瓦屋得五楹。歲久今

無牆。六齡失生母。靈匱安西廂。陰寒風雨夜。起立痛我腸。人

生豈不貧。所貴有扶將。我身非草木。天其忍枯僵。支頰懼見

壓。邪許多驚惶。塗泥塞孔漏。敢曰禦冰霜。悠悠歲既晏。父母

待於堂。去府百里近。拭淚歸村舩。

錄舊二首

王貞女行

從父明經 桐巢屬賦 桐巢名汝翼

湛湛吳江水。有鳥名鴛鴦。君家與妾家。隔水遙相望。十五以

許。君妾卽罹親喪。悠悠經二閨。于飛時正當。媒氏命再通。吉

日復辰良。理我玳瑁簪。綴我明月璫。虛牕對朝日。自作嫁衣

裳。何爲宵夢惡。君耗來踉蹌。委我玳瑁簪。捐我明月璫。虛牕

對斜日。忍顧嫁衣裳。鬢髻歸君門。淚血上君堂。撫棺棺不開

白日天茫茫。強起奉公姥。獨侍不成行。入室披君帷。披帷坐

君牀。許君是君婦。君婦爲君孀。雄者殞。朝露雌者守。夕霜江

流無時絕。孤鳥求悲傷。

輓詞爲朱大孝廉沛然室張孺人作

貧士婦難爲矧。其無所生往歲在乙巳。始我交朱兄。旣聘兄

婦。弟同館。稽稱甥。我時年十八。越人盟復盟。襟鬲披在座。一

飲十日轟。安知兄婦健。巧炊力經營。兄先桐鄉居。後儻滬湖

濱。親喪久不葬。忽忽憂患攪。寒閨共蔬食。反服千悲縈。已酉

舉於鄉。北上旋南征。孺人顧而笑。君面寧公卿。辱焉理家具

我桑君且耕倒篋爲置妾冀育兒與嬰辛亥邁心疾延及今
春正巫言陰陽術屋舍宜改更歲不利主婦首夏悔必萌中
園霜已降手猶摘黃橙孟冬我方婚勿藥詢體輕至日我在
臥伴來乞銘旌急走唁朱兄始塞終豈亨房遺釵與裊塵積
布與荆鬼如無饑寒微淚乾雙睛

擇石齋詩集卷第一

擇石齋詩集卷第二

秀水 錢 載 坤一

戊午 三十一歲

館汪氏 四月遊桐廬

聞歌

何處管悖悖離人子夜心重門芳樹碧一曲小樓深
難定參商闊不任分明就窗月亦自有知音

溪館偶題二首

原注汪謙谷華及堂作

病起時風雨春來誤短長新愁渾似水不擬見垂楊
食梅衣葛常苦海水枯桑不知春色欲尋有處少年能駐何
時

三月江村春正顛鵲鳩聲急路洄沿插花廟口祈蠶女打鼓

橋頭賽社船。一髮遠山青。際海如輪紅。日暮生煙塘。南酒旆。吾曾記。傍柳攀條又去年。

茶磨山

宿雨披輕陰。孤嵐出新沐。暄萋草墅探。寂寞雲村築。山為明許黃門相卿所居雲村其自號也疎籬一帶傾。小水四周逐。林穿溼翠交。徑轉亂紅簇。嶺岈不作峯。塊北自成麓。沙岡非蛇盤。蘇磴實蝟縮。危巖欣仰登。巨石訝駢矗。上凸乃下凹。高蹲卻低伏。斜飛兩角檐。寬拓半間屋。遐企古誰僊。茗戰偶荒谷。雖虛轉磨聲。不斷生煙馥。中罇溜暗泉。旁塊抽勁竹。環收野靄遙。豁對客襟獨。呼童檢都籃。就澗覓甘菊。東風手淪佳。勿問葛巾漉。

濮院

灘空堪洗足。巷小自鳴機。已過挑青節。垂楊冷不飛。禾俗於清明夜食螺

蠅曰挑青

竹雞

溪風吹雨少。人行苦竹岡。頭樹樹聲泥。濁水深。君且住。斷魂

不待鷓鴣兄。黃文節鷓鴣詩山雌之弟竹鷄兄

江行

九里洲。何渺蘅蕪送夕暉。青松時獨立。白鳥必羣飛。短篷涼初起。新潮弱。又歸相逢無謝客。不覺後芳菲。

桐廬二首

范公會宦蹟。越俗此煙濤。翠借巒為郭。喧忘市在林。竹樓攜客迥。研石讀書深。若問神仙宅。桐花午正陰。雨晴江淡蕩。雞犬夜清佳。月下航渡燈。明丁字街春纔足。私焙暑不到。官齋一舍鱸。魚美狂奴故可懷。

吳歌二首

青青梅子仁酸劇惟一箇同船替作飯半路防相餓
焚香深閣裏豈不以歡故機鳴無餘絲拋卻欲何作

湖山神廟

金沙灘外雨亂溼垂楊絲荷深欲無路遂入金碧祠亭臺出
秀樾下匯泉成池中雙文禽飛上魚梁窺日斜遊女散天
迴涼颿吹兩峯青忽斷濃澹雲歸時

望葛嶺

葛家丹院木搜搜嵐氣青回大佛頭等是平章軍國事數聲
蟋蟀宋宮秋

過愚菴與朱秀才耽對月

巾子峯南麓薰禪自一家開門裏湖水供佛白蓮花露下看

天碧樓空坐月斜不須重設茗冰齒食西瓜

吳越武肅王祠

石鏡山荒歲屢更家王遺像肅朱豐蕭森錦樹秋色帖妥
濤江白日聲歐史世家難盡信龍門年表有公評順天不獨
能存祀順天者存王猶仗臨安作宋宗

回溪草堂集陶公句

清風脫然至仲蔚愛窮居秋菊有佳色屢空常晏如一生亦
枯槁胡事乃躊躇披褐守長夜時還讀我書

題秋山白雲圖

獨峯見頂不見麓紙色即雲雲半幅蒼涼天襯峯影寒動噓
靜喻神為完水口無雲山腹有竹木清高一茅牖半灘風碧
葉鳴蘆幾日霜黃絲挂柳夕嵐明滅鴉飛飛鬪藥入雲人未

一幅趙千里畫
一著華神廟便是
俗筆

紙色七字未經入
道

歸亦知雲裏生寒早峯後逢人更款扉

志略 此為呂氏之獄作

志略無它老一蟬。倏然鄉里與浮沈。何來破甑生塵地。乃有重門擊柝心。十月花開春自小。三竿日出睡方深。不論市近邯鄲遠。眾口焉能必鑠金。

顛顛集阮公句二首

湛湛長江水。登高望所思。良辰在何許。膏沐為誰施。歡笑不終晏。飄飄難與期。自非王子晉。顛顛使心悲。歲暮亦云已。招搖安可翔。孤鴻號外野。陰氣下微霜。採藥無旋返。修容是我常。垂聲謝後世。左右佩雙璫。
飲朱大秀才振麟書齋賦瓶中水仙
曲几疎窗曉客停。談深方與酌湘醴。一叢春雉玉花白。咫尺

研山江氣青。處子自來餐沆瀣。夫君何處折芳馨。若柯實理休將對。誰說人間忌獨醒。

已未 三十二歲 松江某太守招閱府試卷

隔湖望朱大進士沛然所居偶圃

雪意澹湖天。村聲隱爨煙。詩人茅屋底。梅樹石闌前。未試彈琴宰。都亡坐客氊。此時池上酌。寒甚鷺鷥肩。

滄浪亭

潑火雨過花洲新。歐陽詩中尋好春。章家韓家樓指塵。蘇明之云滄浪

亭子家舊與章莊敏俱有其半今盡為韓王所得矣高林翠阜猶然真。石為我几苔為茵。暖香

襲袂風生蘋。當年一網收冠蓋。黃文節墨蹟觀秘閣蘇子美題壁詩有一網收冠蓋之句集賢之

狂亦狼狽西陲用。兵事則大同狀而攻莫予奈。遂令占反拔

茅秦竟鄆鄧。滌出諸外先生既放吳中居。幅巾小艇來徐徐。

歸亦知雲裏生寒早。峯後逢人更款扉。

志略 此為呂氏之微作

志略無它老一蟬。倏然鄉里與浮沈。何來破甑生塵地。乃有重門擊柝心。十月花開春自小。三竿日出睡方深。不論市近邯鄲遠。眾口焉能必鑠金。

顛顛集阮公句二首

湛湛長江水。登高望所思。良辰在何許。膏沐為誰施。歡笑不終晏。飄飄難與期。自非王子晉。顛顛使心悲。歲暮亦云已。招搖安可翔。孤鴻號外野。陰氣下微霜。採藥無旋返。修容是我常。垂聲謝後世。左右佩雙璜。

飲朱大秀才振麟書齋賦瓶中水仙

曲几疎窗。勝客停談。深方與酌。湘醪一叢。春雉玉花白。咫尺

研山江氣青。處子自來餐。沆瀣大君何處折。芳馨茗柯實理。休將對誰說。人間忌獨醒。

已未 三十二歲 松江某太守招閱府試卷

尋明名卡七圭上市然近吾禹制

隱原亭 蘇青飲傳

范仲淹薦其子名試為其受松陰監 弄飲与方班劇直判英新用隱居如派公幹台妓步同多命度家王按后自不佩其房魚肉詢等勉奏于足嘉 与英俱生自盜陰居同付有者皆知名士因得江罪逐出四方者十人其以力已而而按后等方自奉曰一第個畫矣弄飲以松陰原于吳中

滄浪亭

潑火雨過花洲新。歐陽詩中尋好春。章家韓家。僕指塵。蘇明之云滄浪

亭予家舊與章莊敏俱有其半今盡為韓王所得矣 高林翠阜。猶然真石為我几。苔為茵。暖香

襲袂。風生蘋。當年一網收冠蓋。黃文節墨蹟觀秘閣蘇子美題壁詩有一網收冠蓋之句 集賢之

狂亦狼狽。西陲用兵事。則大同狀而攻。莫予奈。遂令占反。拔

茅秦。竟鄆鄧。滁出諸外。先生既放。吳中居幅巾。小艇來徐徐。

浩歌仰嘯亭不虛江東李白樂只且磨鑑不滅光有餘彼譖人者今何如

金閭雜感三首

讓王門近柳千條煙月留人暮復朝醉殺麗娃鄉裏酒驚心時上白頭橋

天水蒼蒼林屋虛包公動定比何如人間文字猶難盡嶽瀆空傳未見書

韭溪百里入江斜江雨江風自汎槎操作已將椎髻婦只休杵臼傍人家

將遊支硎華山天平諸勝先夕繫船獅子山下風

雨驟作天明益橫不得登岸而賦長歌

流鶯呼人暮出亞字城徑飛鰲子循山行王僚墓頭松影黑

篙觜啄崖棲鶴驚中宵新葉都作枯枝聲是雨非雨亂撲蓬窗樵擁衾吹火沈沈聽溪溜正急天已明可憐溪邊五里十里不知何處好花樹推篷一片萬片朱朱白白浮下橋門英我所思兮華山天池蓮葉馨支公住處鶴亭馬磻秋暑清其南獨峯模糊青中有白雲一線泉琮琤靈巖之高何啻三百六十丈今者不見但見蒼煙橫我豈不能支竹傘兩腳緊繫芒屨輕又豈不能坐待風雨歇竹扛兜子舁雙丁天公無賴嗚老生今日獨雨昨日晴今日雖雨明日晴已送歸樵村鳩

望石湖

治平寺南湖翠昏柳枝菱葉見灘痕楞伽不管無情雨一夜吹花落范村

轉筆更換妙有生趣

九峯詠十首

鳳凰山用陶南村錦溪橋韻

檀欒修竹映迴溪小鳳翎梳老鳳齊酒店魚船重向客右丞
參政漫含悽藤蟠青壁繁陰迴龍婿丹泉寶氣低最好石橋
觀月上一峯峯冷玉屏西

陸寶山用凌石泉原韻

樹偃荒塗黑有神花飛古塚杳無春青山一映難留骨何況
塵沙劫裏人

山久刻為平陸矣

余山用陶南村同邵青溪俞山月張賓暘於余

山北踰嶺訪陳孟剛韻

谿行不復逢三老落盡桃花又一年東寺夕陽西寺月歸來
仍櫂檣頭船

忽而稱謚忽而稱官忽而稱字號

又用董文敏公茗帚菴韻

塘轉富林通八曲塔尋秀道禮雙峯冰霜半折龍鱗樹不記
頑仙寂寞容

細林山用吳祭酒神山夜宿贈諸乾一韻

雨細山多葉林虛磳似龍船停蘆岸蛤鳥下石樓鐘鍊蛻蕤
雲碧神鼉蘸墨濃開窗看博處疑蔭六朝松

松間聽琴

細林山一名神山梁簡文帝神山銘竹窗看博

薛山用錢思復原韻

橘刺藤梢舊亦新薛翁隱處屋堪鄰招涼自卻羅池暑不用
當筵雪藕人

羅池在山下產藕甚佳

機山用陶南村機山懷古韻

有雙鴛鳥起江間數仞青山後者攀牙轟風摧微所忌亭臯

鶴唳歎無還。菱僮釣侶來。多熟水國莎城接。更閒攜取平原。村畔酒賞春。那不雨潛潛。

橫雲山用黃文節公過橫雲山渡長谷韻

何年銅水滴。耕出墓閒門。峯不銷春黛。花應殢客魂。白龍吹雨駛。黃浦應潮昏。儘擬鱸香候。來空石上罇。

千山用貝清江千山夜泊韻

遠見如鍼塔。循溪進小舟。纍纍高士宅。渺渺美人愁。日赤魚難化。天青柳自流。龜山祠近在。曲學悔相求。

山頂有雙石魚相傳風雨化去

崑山用陸士衡贈從兄車騎韻

遠色指覆盎。石岡鬱松林。瑤珉產二俊。豈不貞初心。辨亡慨江表。與弟棲峯陰。吐流如一流。譚老披幽沈。委身匡世切。雋望殊邦欽。奈何三世將。黑憶河橋深。懷歸愴音詠。眺晚紆單

襟白鶴不可招。惟聞谷水音。

題朱賴自刻所臨玉刻十三行拓本二首

朱字并林

碧玉鐫奚遜。麻箋寫更强。蟲聲秋院底。卻話半閒堂。獨處耽金石。因之彼美懷。漢臯空解珮。誰定得良媒。

題王五秀才又曾石梁觀瀑圖

元年五月應

詔我北行。聞君六月。道暑天台中。六街赫日賣冰擊。銅盞渴想海水末。與樽溪通。自放還山。忽忽三秋冬。每羨金堂玉室。羲之從。今晨剝啄。袖出一卷水。誰其遊者。著屐非謝公。蒼茫國清之寺。桐柏宮。五芝八桂。纖草羅長松。赤城標高。天半曉。絢爛紅樹枝。老洞口春迷濛。不知人間何處。有三伏亭。午溼衣空翠。飛來濃。一萬八千丈。立青芙蓉。曇華亭前。雨洗華頂。

峯奈何捫蘿不上宿其趾。徒觀匹練直下龍潭衝。君乎休矣且進琉璃鍾。山中人兮六十五。茅篷卻歸鄉土乃。望妻子戀曷不一蓬添。縛畱孤蹤君言酌酒酌酒那知許。終勝走馬軟踏長安紅。

盧徵士存心招陪茅明經應奎弢甫桑先生遊姚

園分韻得二首復同韻各一首

初霽豁翹想秋爽尤所欣。遂喚郭門舟新波汎。汎汎中洲鬱臺榭蒼霞微。合分涼深葭菼裔。翮入鳧鷗羣。扣舷行夷猶折華憐芳芬。卻投尚書園已度重湖雲。散策興多逸。憩石談何慙。慨然撫喬柯。寂寞搖斜曛。

孤飛雲翼倦難老。霜葩佳婆娑。五湖叟蕭騷。九秋懷揚塵。閱東海煉石媼。女媧物虧甚。常盈焉得無。睽乖西河感離羣。東

野喻束柴何如濠濮閒。樂且平聲莊惠皆造物。語至人。屣爾

形與骸不聞雪中臥。併火焦生蝸贈明經時方有喪明之痛

盤桓簣山麓。茶具呼小僮。涼飈發桂樹。紛藹雲氣中。五岳隘

尚禽乃侈遊。鴻濛行樂但及時。所得卽已豐。著書亦何爲。適

笑虞卿窮百年。酪酎送愚盡。賢亦終白雲。寒容容勿使空谷

空寢興隨日月。天地非樊籠贈徵士白雲其文集名亦自號也

茗茗高岡梧百尺。天所材亦蚌樂藏。川明月瑩其胎。南陔馨

有蘭北山蕪有萊。于焉返初服。豈不曰時哉。翺湜黨昌黎亦

軋周漢才。廬陵盛門下。匪獨看山來。代興德各努。流坎斯文

該不遐。小子狂姑酌。臨風杯呈先生時以膳部乞終養歸

孟門楫可過。太行輪可登。只此釣磯水。魚淦難終澄。時來丈

夫駕險易。甘所膺。嗚然妄跼伏。恐取巖阿憎。勲業匪苟見。毛

髮寢相陵昔人所壘石昨又沙溝崩奉觴乞砭詞先路非無
徵離離林中影不獨秋峻嶒

草堂

已荷將鞠酒人招前檻風晴碧柳條一霎羅城浜口雨曾蠶
催買蟹行橋

題朱大振麟松巖採藥圖

麟當作鱗

朱髯學道何清臞病起獨與畫者俱身不入山山夢紆蒼巖
抹雲雲色腴石梁一徑巖陰趨泉南老松三四株株子結
驪龍珠粼粼者草甘露濡荆籃手挈松下孤髯乎偃蹇大游
戲安期偃佗非爾徒漢庭侏儒飽欲死監河不貸魚無水祇
應米哺凶年恃神女消摩信有諸先生鏡局難逢矣窮愁窮
愁恆自奢呼吸玉液嗤仙家夜遙祇慣然松節酒盡還休把

葛花

南湖看芙蓉同沈丈秀才運宏吳秀才嗣廣鄭孝

廉尚麟沈字蒼育歲貢舉孝廉方正嚴州府訓導有退翁詩其采息唐詞

敷容木末藹如雲蘭漿城南盪夕曛一老賦成初命侶何人
秋盡劇思君頻頻玉醞臨流勸恰恰珠歌隔岸聞葭草有霜
煙在柳不勝寒到月披紛

灌園二首

生涯惟蝗菜緩急自清渠落日豆籬短青天瓜架疎
數入聲灌毋稀灌吾園及衆園漢陰機可息猶恐外閒論

題陳丈明經向中西溪書屋圖

青青者蘆白者沙涇長港曲陂更斜叱牛呼鴨村不譁松林
風細出書聲一縷炊煙生鮑家隱居老去詩篇在滄桑四百

溝塍改乳巢先生偶得之瓊田亦用青錢買倩人遂作西溪
圖問君未結西溪廬笑君且復圖中居歛湖方口得其似牆
東竈北誰相於夏天琅玕況千箇乞借萌堂且高臥鋤園拾
金席可割伏櫪成歌壺莫唾歲寒心事愁清尊明月當頭息
壤存依綠軒牕尋不得水村一幅趙王孫錢重鼎題水村
圖有依綠軒記

對雪集陶句

清謠結心曲虛室有餘閒翳翳經日雪紛紛飛鳥還一觴雖
獨進千載乃相關來逕遂蕪廢吾生夢幻間

擇石齋詩集卷第二

擇石齋詩集卷第二

秀水 錢 載 坤一

庚申 三十三歲 秋遊吳門 九月 館德清徐氏

初二夜聽雪作二首

宵聲最清慮況在風竹閒而當雪落深小閣如空山疎疎去
方寂淅淅輕多還迴生虛牖警警墮修柯閒明釭耿相照寒
氣不我辱西溪引遙興可覲梅花顏
堂西短土牆半壞秋霖餘南營弛官馬日來躡園蔬舊冬天
頗暖我畦黃不除今茲獲蓋覆想見萌芽初條風卽披拂好
把桑下鋤為樊聊補罅及辰戒勿疎

同學諸子過飲回溪王秀才元啟彈琴

敝廬不願奢灑掃自清絕欄扶梅萼凍籬翦竹梢折誰歟吾

所黨來者客非熱危坐聲焦桐古懷面荒雪泉流漱寒遠松
韻落虛切杳冥山靈見唱歎清廟徹是時天宇淨林端月如
玦塔焉隱几綦泠然御風列園景悵昏黃庭光憐皎潔諸賢
且相住茗薜亦佳設

題自寫杏花小幀

古銅瓶插半開枝惱亂春風鬢欲歆笑問遺山元老子生紅
何似退房時

清明後一日鴛鴦湖雨汎

絲柳亂無端隨心上木蘭千家煙乍暖一陣雨還寒流水何
知綠飛花不待乾寄聲交頸鳥休惹玉人看

讀五代史記賦十國詞一百首

唐鼎真憐如沸羹淮南雪赤少人聲淩溪喚後蜂糖賣一笑

楊頭斫不成

英雄六六黑雲都御史官階已諱夫龍馭長安迴未得果然

心罪冲疆無楊行密父怱遂諱大夫之天

有道方能作盜魁乘時袞冕半憐才不見一弓當十槩更聞

醉去必醒回

夜拓毬場晝射場突來兵諫奈支當打鐘槌嫩何堪折從此

春風不屬楊

白衣化龍太不君我為蒼鷗爾參軍蒜山一昔人趨渡鐵箸

灰邊大有聞

掃地元勳受禪臣勸農早布李花春江空歷歷迎鑿處樓靜

匆匆誦佛身以上吳六首

年少彭奴故可兒龍行虎步有人知不緣挑撥燈心見自愛

秋霜上鬢絲

越師去後息紛端贊喜人來進二丹半夜金鐘發詩識三更
弦月駐郊壇

須菩提訝產桑中烏舅金奴泣曉風嚙指敢忘他日事政難
料理德昌宮

儼然矚目畫清疎南嶽真君定不如且復風塵了家事閒拋
瀑布在匡廬

滬溪土入飲香亭鍾阜龍盤此日青憐得楊花飛一句八閩
三楚漸賓庭

春正樓雪一開觴絕筆為圖勅和章倉曹旋貴昇元帖京挺
方高北苑粧

高太中原轍久湮羣公肯作小朝臣好花著樹非無主那放
皮船入壽春

玉笙寒切小樓哀皺殺春池水勝苔便早韓郎相江左笑端
可免唱檀來

未即降旗出石頭帝秦割地盡悠悠解揚自致樓車命辛苦
忠門只姓劉

皖公青峭可憐山去去金陵幾日還六曲屏風遮不斷蔗漿
情思藕華閒

一半東風吹紫袍鴛鴦寺主泥詩騷愁人供奉得三寶竹葉
時時金錯刀

鬢采親邀醉舞斜外邊法曲早知差情瀾愛語今猶憶風水
無聲葬琵琶

待年議禮異徐潘亭小花深儘合歡憐絕已非盧屋妾索來

翻似出來難

索得孃來忘却家李煜時童謠謂再娶周后

五百餘年偈偶憑柳絲鶯子稅何曾天王欲問江南罪開善
夫妻正度僧

鬢側花生蝶翅黏蓮中月出鞦韆痕纖愁他絕世工書札獨爲
君王掌萬籤

挈國何人短喙歸澄心堂自直樞機明年今日君知否摺摺
寒多淺碧衣

茱萸淚盡卻登高悽惋新腔按幾遭不道絲繩量采石子規
聲裏落櫻桃

從善朝未留之不遣煜悲念嘗製御登高文有曰嗟予季矣不歸來

無限江山夜雨零忠言何苦悔遲聽一花見佛淒涼甚彌勒
尊前般若經

小劫瓊枝璧月邊舍身同秦又何年若將一曲芳儀怨唱與

秦淮倍可憐

芳儀曲晁補之撰

以上南唐十九首

驛走興元棧火侵御袍中有淚痕深餅師家世非忠孝難得
倉皇控馬心

十軍談笑不知他虎入西川奈八哥無敵紫旗殊跋扈年來
又凱梓州歌

星宿山高馬色騰秋風椒殿恨難勝不因玉女分明見也遣
金牀次第登

唐遺文物更幽農四部新宮化自濃任使見推驕李密堯銘
舜頌可從容

天狗如雷墮慘悽喧喧已鬪夾城雞干戈岐隴何嘗戢卻聽
居中煽艷妻

艷體煙花是性情多錢刺史亦功名瞿塘劍閣真形勢白與

王家作錦城

漢口駐軍生鞞塵聞州搖艣繡衣新涼秋八月今年事甲冑君看灌口神

繒山當面列春廚長夜宣華狎客趨豈意臨軒親策士直言偏擢白衣蒲

珠翠江邊忽錦帆市坊苑裏盡青衫金僊子晉誰教塑菊酒嘉王只勸銜

抗顏笏記亦何求十在淋漓邨不愁王氣青城高幾許畫羅

裘自唱甘州顧在珣屬林罕著十在文以進行罷賞梔花逕復東可憐回鶻隊匆匆鄴都未識伶人困酷殺

秦川驛地紅以上前蜀十一首毬子何來自太原牡丹新第墨畱痕寧期自代中門使卻被

西川擇帥恩

監軍死報詎殊差魚水雲龍竟不諧明詔已申樞密罪遠藩猶滯故人懷

榛蕪歎息永陵樵故苑東風宴府僚憊矣前車深後戒一燈無焰入秋宵

望杏瞻蒲庶有年坤維數入聲震水騰川如何燈火嬉元夜破費官家十萬錢

宮體南朝意不堪官箴自作子雲參韻編且與增孫恂經刻端須倣鄭覃

浣花十里拓船牕島嶼樓臺似曲江此樂也勝乾德歲都人免為白魚雙

城上芙蓉幕覆綃江間絲管賞春饒人生幸際成都好子弟

渾忘菽麥苗

邢臺鄉里分終乖繡斧新軍枉破柴二十年來凋謝盡宮中
始憶舊人佳

一庭五鬼任相哈麗句花閒頗費才蓉帳鴛衾何限恨擊毬
會過少年來

汴水高高甲第添趙民行爲蜀民占翰林老眼滄桑再修表
煩濡舊兔尖

朝天萬里曲無情慈母霜華兩鬢生慚愧國人相送意犍爲
灘水不春聲

一聲望帝一山紅細數春愁馬步中明月窺人人不見摩訶
池上已西風

以上後蜀十二首

擁戴功名嶺海遙未應有弟絕雄梟龍川妄竊真成黠更不

梯航事僞朝

學官廣厲也生徒進士明經豈好儒文德殿頭新賦就博將
土產數斤珠

造字金輪又一新洛州刺史是鄉親麤疎煬帝宜蒙笑蛟蜃
如君嗜殺人

封王十九同日多兔絲一一吞骨何人間勿戀好歸去石室
雲華荒翠蘿

女侍中居政事堂綠含村見鳳苞長我國幾離生地獄此花
聊喚小南強

才人參立寺人班門外人難勝內閒尙被玉皇呼太子大夫
恐未得蕭閒

勅鬪花枝內殿深露華穿苑采芳林頻頻點檢樓羅歷輪卻

還須獻耍金

廣南荔子佳復佳歲歲紅雲宴內家若箇髻邊花壓雪至今

田際雪堆花

牢牲嶺蠻久應墟更界江南一紙書徼幸降王猶作長野狐

泉畔夕陽疎

以上南漢九首

渤海彭城逼兩雄蘭臺差快大王風菟裘未許營衡麓老作

湖南一令公

八牀茗葉摘山包萬戶梭聲徹夜拋多暇遂開天策府人言

長者可深交

司馬西山老不妨并畱銀葉潔堪嘗咋人獅子何勝責兵柄

終憐廢彥章

竹肉交飛夜向闌柔腸更帶一杯寬馬家婦憶彭家女內職

當年轉覺難

遠祖聲名建武還戰功重懾五溪蠻勒銘學士猶文藻鐵馬

金人氣象間

塗壁砂兼抱柱龍會春園起麝香風逡巡自缺桓文業卻賜

湘陰處士宮

衆駒喧阜嶸爭鬪三十郎來大義乖楊柳橋邊蠻陣列潭州

可惜不栽槐

一鞭及腹走駢駢羊子無家本舊鄰翻笑東朝不經濟楚弓

得失但憑人

英雄黥布亦稱豪太保司空底濫叨田野最明郎國意青裘

祇辨蒲菟切送租勞

以上楚九首

秦望深深壁山郭公五百運方還販鹽博簞嗟無賴旁舍

生原只等閒

十三都聚築牆高十六枝分立戟豪舊井山青初賜宅新門

江白正觀濤

惡鳥羅平繳矢加碧油兩道建高牙肆然爐炭羣兒坐第一

開門節度家

中使長安絡繹臨河山苗裔誓鐫金繇來天上凌煙閣要寫

人閒捧日心

倉卒東安不受封鳳翔奔問極無悰旻天獨下號弓淚實有

難忘御札縫

名駒寶帶稱英雄尚父元勳易姓同不欠當年聲詩意江東

也作紫髯公

潮水西陵古岸頭鐵幢寒對海門秋彎彎彊弩三千隻月滿

風高疊雪樓

酒半吳音振席聽家山衣錦歲時經白頭鄰媪強如舊笑見

婆畱得寧馨

嬌鳥啼山正底春芳風陌上扇遊塵花開緩緩宜歸思花落

番番不戀人

列子年且百歲底春披裘注底當也

撩淺撩清歲不虛赤松澗米熟何如亦知父老忘兵革樂甚

西湖使宅魚

三覆居然竄白騾狼山又使木龍過印金冊玉皆無恙仁孝

元來兩鎮多

青史般盤六赤贏桓文弓矢少年名不應入腹錢堪怕已聽

兒童趙得聲

讓王東府啓山窗兄弟安之息吠厖花月上元燈萬盞鼓聲

不隔一條江

首戴中原郡十三齒寒得不為江南薰風門外無多路好語吹人耳自諳

坊坊酒禁獨先監寺寺銅容亦屢函妃子雷峯看總幻判官水族話猶饒

螿蟻譏人解漸非葫蘆笑爾樣空依大梁縱未纏三帶忍把錢塘裂一圍左傳裂裳帛而與之

天寵駢蕃溢斗筭酒酣昆仲漫論交琵琶一曲悲金鳳只此南飛轉舊巢

寶融決策納河西蕭郭勳賢敢竝提慟哭尙煩諸將吏幾家露刃血蒼黎

世澤龍山鎖碧雲雞魚卵殼或譌聞百五十年南渡業冬青

能似國王墳

以上吳越十九首

門戟光寒十二枝潮來潮去乍開基雨風一夜甘棠港人愛三郎白馬騎

設學賓賢致足多略如吳越罷鳴戈奈他二百六十寺金鑄金書經佛何

雌雄朝暮只須臾阜菴當壇忽不枯受冊寶皇先受錄大羅朝為雄兮暮為雌天地終盡分人生幾時處尊歌云

野鹿明明人郭門不勝金鳳繡薨清人樹底煩君看風露多防帶淚痕

倫變重重鬼亦愁桃林鳴鼓索教休殘棋實厭輸贏局一劫連忙殺五州

以上閩五首

秉燭曾傳逆旅言江陵四戰蹙離藩尋思豹頸龍脣者膽力

公然有耳孫
策下西川慮不深
繡衣掛背尚驚心
武關幾墮將軍伏
落照寒飈出鳳林

五州表請意縱橫
此隊真看拔戟成一曲
吳姬紅破束未因
含刺罪平生

稽功山下鬼燐哀
西北樓高楚望開
何處金堤秋噉盡
居人還指看花臺

朱欄戰艦俯江濤
十伎琵琶託賞音
莫笑尋常高賴子
解於市駿用千金

白衣黃犢老抽身
少監規隨也俊人
興敗豈非關大運
絕吭可少峽江民

以上荆南六首

沙陀家事本難支
謬語今番郭雀兒
不下大行成錯矣
空餘

香火腐儒祠

木拐攆仍倚北朝
是何天子且承祧
傷心澤潞烏鳶啄
歸去

黃驪氣不驕

儋珪撥汗總淒然
大澤高山負固年
非是雪消消不得
赤真人特為春憐

宋家聽許契丹盟
吳越趨朝更不名
只少平盧劉節度
端陽

高會太原城

以上北漢四首

蘇石齋詩集卷第三

蘇石齋詩集卷第四

秀水 錢 載 坤一

安橋張氏宅贈德音德本兩秀才

萍池門外榆蘇石堂後桂引釣榆南陰休棋桂西霽酒肴雜
 一編燈火趨兩髻偶余蠶罷遊同爾麥秋計明朝雨即犁自
 此力相繼陳修喻梓材既翁詠常棣內舍各鳴機薄田先入
 稅浮雲卷圭紐化日照雞甌弱冠友朱生安橋獲連袂不逮
 見舅姑而以季女妻昏禮婿親迎見於舅姑載之娶外舅外姑已先後歿勉勉室將家悠悠身
 及世豐年義理為落殖愧何濟

藥曰

釜瓮鈿槃外虛中百味并奚煩占小過合與號長生夜色丹
 房靜秋空玉杵聲刀圭難草創賴汝力經營

吳唐人誦物體

宋無名氏鬪茶圖

袷衣飛幘天清暖省帖初辭縣官管箬籠夜夜紫山姑園戶
朝朝叫村伴吾儕小人何辛劬盍遣十二先生俱西家東家
各本味自茶自煮嘗君餘官焙何如私焙香生揀不若水揀
良六人且踰山谷品得一豈濫蘇家湯綠鬢小女形端相可
憐玉雪迴心腸蠲憂者酒抔渴漿今來羣談此擅場超超塵
緒態非野落落晷景風為涼鬪香鬪味功論水谷簾南零斯
可矣輸贏春草莫矜誇當日趙張方權茶

夜過吳江二首

鴨嘴船頭破鏡黃鱸香亭外玉流長葯花未老蓮心在誰叩
晶簪說夜涼

一曲簫聲十里風松陵何處月朦朧剛腸不信詞人最眼對

青春嫁小紅

元和縣齋贈黃明府建中

古墅誰家入新符茂宰分寺鄰雙寶塔巷號十將軍綠綺鳴
公退朱華賞夕曛當年按歌處草色似羅袞

縣解明參政丁元復宅
宋時為楊和王別墅

觀趙仲穆畫

遠山淺深疊隔江青不多洲沙殺江面結屋如蓋簑長松陰
蔽之離立又一坡精心作蘆荻數筆秋聲過回颺先渡水沙
上涼如何集賢倘汎宅與子偕婆娑

葑門口號三首

滅渡橋迴柳映塘南風吹郭不勝香湖田半種紫芒稻麥笠
時遮青苧孃

殘雨遙天挂蠅螭女兒褰帶兩心同荷花船好須修妮薄相

皆僧事當家語
所以可及

宋無名氏鬪茶圖

袷衣飛幘天清暖省帖初辭縣官管箬籠夜夜紫山姑園戶
朝朝叫村伴吾儕小人何辛劬盍遣十二先生俱西家東家
各本味自茶自煮嘗君餘官焙何如私焙香生揀不若水揀
良六人且踰山谷品得一豈濫蘇家湯綠鬢小女形端相可
憐玉雪迴心腸蠲憂者酒挾渴漿今來羣談此擅場超超塵
緒態非野落落晷景風為涼鬪香鬪味功論水谷簾南零斯
可矣輪贏春草莫矜誇當日趙張方權茶

夜過吳江二首

鴨觜船頭破鏡黃鱸香亭外玉流長葯花未老蓮心在誰叩
晶簪說夜涼
一曲簫聲十里風松陵何處月朦朧剛腸不信詞人最眼對

馬家卜江

風將賞處尋佳句

笛裏陽關今是淚

嘆離情海國相逢

翻為戲子卷中緝

麤甚振觸悔今朝

一夜庭月上正吹簫

皆繪
所以

來消蕩口風

修姁薄相皆吳下諺薄讀如勃

海舶魚鮮戶戶稱街頭長日賣新冰你儂莫怪我儂熱明月
秋宵圓未能

立秋夜元和縣樓對月

湖山見百里欄檻垂太清颯沓涼風至徘徊皓月呈青林鬱
如薺諒感梧葉驚畢逋烏尾尾啼上夫差城衆星稀可摘河
漢西無聲百年閱幾夕偏仄華顛明

題唐子畏畫扇

雨後鶯黃樹風前粉白人風風還雨雨各自愛腰身

西園四首

一卷山體微苔蘚臥園角一峯復一峯焉得如筍擢衆磊而
小礫小礫而大礫我不暇較量蟻方以爲嶽林影何清清鳥

飛不數數掩關於此深巖礧自悠邈寫心且安坐安坐琴可
學

古井深幾丈日爲物所用覆上乏高柯又失菊苗種食之甘
不竭汲之清可供機心莫機心缶與甕相共東海鼈何如來
觀得無恐樂歟至樂鼃口獨甃涯誦

非梧桐不棲非竹實不食棲與食誠難以斯徵鳳德蕭蕭園
有竹萋萋園有桐竹實幾時結桐華落向空萋萋夕陽西藹
藹朝陽東徒負百尺林謂含黃鍾宮蕭蕭嶰谷姿律本豈不
同三竿復兩竿盡日搖清風

有梅復有桃有棗復有栗有葵白菜主有瓜戒焚漆維菜謂
之蔬維蔬秧不一青青受露紛漠漠充畦密我園半繪幽流
火月過七我堂夜景閒亦漸聞蟋蟀蟋蟀聲旣多不樂將奈

何

橫塘曲二首

吹瘦門前樹。秋鶯坐夢中。橫塘雨猶可。不願橫塘風。
心寒擣衣石。不得杵聲起。妾面湖中花。可憐照秋水。

贈朱丈秀才不襄

朱字東軒詒吉思孝廉振鱗之父也

俯茲一切塵。所不如耕桑。十年關中客。歸來奉母觴。六甲兒
歲周八秩。母壽康。琴書太傅澤。屋宇桐花香。山觚父乙崇。寶
齋王伯方。鑑背仙不老。瓦頭生未央。晴窗出相娛。辨證薛與
黃。八分集千文。體括冰斯長。一一道遊歷。天風秋慨慷。潼津
西嶽廟。繡嶺華清湯。周宮莽無黍。秦月今猶涼。寶氣積書笈。
蘇文馱馬韉。愛其嗜好古。使我衣冠蒼。緬惟大史公。博極歐
劉楊。諸孫洵淹雅。欲問名山藏。

夜與祝大孝廉維詰坐綠溪小築集陶句

欄庭多落葉。氣澈天象明。雲鶴有奇翼。林園無俗情。未知從
今去。持此欲何成。賢聖畱餘跡。饑寒飽所更。

九月六日侍大人同朱丈明府琪重過偶圃賞菊

二首

朱字向林拔貢衢州訓導擢江南通判知江都縣與太史竹垞鄰近太史為作芷閣記有東溪詩草

秋爽野懷數。入聲竹深清境稀。更來雙杖曳。翻道一宵歸。葉

碧蛩收語莖。疎蝶曬衣籬。頭滿新辦半。為得霜肥。

水石居難定。尊疊性且耽。詩邀明府唱。鬢替老人簪。向夕遷

紅樹登高指。翠嵐落英風。外步能不憶城南。

陳秀才經業招同王五汎舟釣鼈磯南

豔豔蓉方蕪。飛飛鷺忽低。晚光渾赴水。幽興恰緣堤。醒醉人
歸未。樓臺月照齊。柳根堪繫纜。只怕有烏啼。

題抱鐺圖 并序

發甫先生追述太公十八九歲居父喪哀思而傳之也太公
小字小壽系出餘姚北宅桑僑居錢塘至今里人稱孝子者
呼小壽伯事詳臨川李侍郎紱所撰墓表
風騷騷廚煙淒父病不食兒煮肉糜肉糜不食父病不可醫
廚煙淒風騷騷或見之抱鐺號孤兒兮長號錢江兮滔滔天
蒼涼北宅桑小壽伯我心惻錢江姚江兮孝子生孝子子寶
厥鐺

五石菴觀東主泉

一路茗花馥茲山泉眼疏門深筠翠底僧老菊黃餘來者緬
誰賞湛然知有初苔痕忘久立松籟特相舒

慈相寺

山窩森峭給園開柳栗無聲滑磴苔石壁翠雲相對起野橋
紅樹獨吟來堂頭粥飯前心記塵裏輪蹄短鬢催躑躅也關
蘇呂蹟寒泉元傍讀書臺

觀北宋長江圖

明陸文裕跋云予嘗於京口見米元章澄心堂紙
一卷有意象此卷則規模郭熙而平遠清潤有
不盡之趣董文敏跋云此卷宣和御府所收小壘
具在定為北宋以前名手非馬夏輩所能比肩

岸夾青山趨萬里秋風壯觀橫書几汴京昔日江為帶趙祖
三條一條耳江神獨帝滔滔堪見容齋隨筆百五十年江之南低回
欲辨澄心紙小壘宣和嘆息三

王叔明山水軸

嶺橫峯側短筆皴楓栗丹黃溪上新岸欹帖石欄逐岸廬蔭
雙松萌未換隱君繙經坐若忘几有龕佛爐無香小童研墨
洗臨水橋外何知來客履護居風吹舍北梢垞南水隔尤蕭

蕭散如晉人書法
得味外味

蕭難於鈎勒葉分簇玉立涼多聲在目黃鶴之家吳之西嵌
空故寫湖石低雀甥鄉里錢塘近青弁雲林各成隱無錢買
山儂自嗟老殺紫藤秋不花

鳥相呼其
自題句也

此軸至正八年秋為表甥崔彥暉畫叔明有青
弁隱居圖又嘗為彥暉圖雲林小隱紫藤花落

項易菴山水冊

連雨沈綠楊洲平水草長山雲弱成嬾春盡如梅黃無人渡
口亭有園蠶候桑遠樹昏不辨低橋滑何妨吾師偶然值釣
艇隨心將搖搖風影澹落落溪聲涼飲河而執杓濡足以塞
裳丈人自江上吾亦憐吾鄉

王石谷洞山圖

萬綠低迷煙氣軟吳天是月蠶初繭村深誰與問陶坑澗淺
遙知來白峴赭黃一座洞山明風俗藝桑茶遍生園開立夏

到嘉客煎水寫山何限情

石谷以茶事
集桃溪山莊

鄰州茶事無過此紗帽

棋盤各清美諸芥雖矜羅芥先向陽風露茲山專石寒土沃
三百尺不見新柯點葱碧茶天正好晴無雲上山采摘朝露
紛翁行呼兒黃茂篋婦笑挈女青布裙斷芽用指弗如甲茶
樹層層沒腰恰早應先摘晚須畱大葉狗枝別方法山根箭
箬夾澗興澗石人過亦有僧澗南老樹陰連畝遮隔小秦王
廟後廟前樹下買茶人箬籠分將坐成耦日光已照山後山
大家停采知來還要渠檐際速蒸焙著我椀面開襟顏蕙花
香處遊難遂秋采仍聞更風致凝思比歲澗東西竹裏何人
聽松吹鱣崖辛苦今代無住山當不憂茶租

懷陳丈向中婁東

百寮峯頂暮霜清左盼吳江落雁橫詞伯弁園蕪水石黨魁

復社厭聲名難讐井氏南陽篋欲寄劉公下若航憶否桐溪
聚寒影紙牕燈火達雞鳴陳文近仿晁氏編書目

辛酉

三十四歲

館徐氏

五月朱太夫人卒

○清遠堂古梅

吳興會稽古梅夥我往聞諸石湖仙石湖亦買武康本今我
自泊餘不船一枝未見見峯碧玉塵橫斜勝梅格玉塵臘前山名
記說蔡家花溪友敲門導生客牆陰半畝鹿角鼠尾梢萬花
平視纔及人身高豈知寒光中間慘裂鐵骨一倒臥肆突十
丈雙瘦蛟輕陰面齊仰南谷說可嘲急風心半側頗笑癸齋
描求伸於屈誰玉女局踏踏砌春無慘主人為言百年事大
雪宵昏壓垂地擘山欵遭掌破竹頓成勢厄甚羣陰仗一陽
抱來白璧呼蒼帝竝言結實青青時攀摘恐踢童兒摧篠竿

擊使盡不惜千玫瑰繇來獎護要有策寶物詎聽神扶持盤
陀淨拂苔紋坐短帽何妨簪數朶縱虛琴鶴尚餘茶明月今
宵定畱我嗚呼此樹不獨吳興無安得舜舉為作觀梅圖

○白雀寺

蘆芽桑已葉打漿龍溪晴風和煙正暖到岸中田行澗橋接
松徑數里蒼雲橫雲陰繡菜豆泉竹時相聲池光寺門內殿
腳蓮峯擎傳經與報身幾劫緇流更後亭收太湖愈上每空
明迢迢一氣擁隱隱諸嵐生南檐俯州城紺塔撐飛英道場
意孤特遠漾前山浮鮮晶殷紅摘野卉下步荒坳清碧巖高
不及回睇霄崢嶸

○道場山

小艇捷若飛明湖暢延眺港深登麓近一岡扼其要左峯抱

非身親領畧者不知
深觀十字之妙

陰森澗落林竒窾石坦為塢田田盡峯立峭門中池有蒲佛
面嬾迴照閣邊鳥語頻蘇蹟不藜藿少東蘇磴陟絕頂塔光
耀環觀融結姿百里實清妙伏虎洞有無巨石壓翫翫旁多
古題名歲月安可料下山飲村醪欲醉轉成笑孤襟莫與諧
道味略咀噍

題蔡叟竹寒沙碧山莊圖

蔡叟鄂放逸

林亭生絹素牕几動嵐翠微茫一壑開結構十年事石橋村
口滑篁逕礪邊邃森森草堂擁藹藹松樓悶崦梅三百本桃
李儼相次躑躅催春歸鴉舅見霜醉摩霄海紅花園抱特靈
異恆河凡幾劫曲轅乃孤寄英溪清蜿蜒石城雄巖巖雲烝
曉光白雷礚秋聲駛後園一髻青高頂肆遐跂山人日堅坐
身世兩無累揆余隔郊郭覽俗厭肥膩披茲幽境選邈使素

心喟提壺夏果熟乘筏南風利垂釣兩龍潭上有坡公字

蔡叟云

壬戌

三十五歲

葬朱太夫人

七月鴻錫天

三月五日先孺人生日痛成

籠翮思飛孰與哀哺雛未反母先摧茫茫縱使重霄徹杳杳
難將萬古迴廚下米薪如手辨蒲菟切堂前風雨莫花開讀書
兩字從頭誤直悔男兒墮地來

吳興客夜

東武亭西水館孤一燈形影不模糊思親淚盡還思子聽樹
心殘更聽烏次子鴻錫八齡讀五經將畢而以七月四日天

蘅石齋詩集卷第四

蘅石齋詩集卷第五

秀水錢載坤一

癸亥三十六歲九月長洲馮明府招閱邑試卷

祝舍人維誥王秀才又曾萬孝廉光泰陳秀才經

業汪上舍孟銷仲鈞過草堂邀載同賦六首

打麥

火王割秣。江村周六月。隨風稻牀響。竝舍絲車歇。連枷亦
敲擊。颺籃互蓬勃。稈輕顆顆金。芒淨織織核。有雀四驅嚇。爾
杷再掀揭。婦姑畢場功。喚荅在林樾。彭彭復魄魄。掃取麩與
麩。來朝便相曬。莫叫雞頭鶻。

鬲泥

昨夜看天色。共說今朝晴。我船篷已卸。雖雨擔鬲行。兩竹手

分握力與河底爭。曲腰箝且拔泥草無聲并。鬲如蜺殼閉張吐。船隨盈小休柳陰飯煙氣。船梢橫吳田要培壅。賴此糞可成楊園補農書。先事宜清明。

廣韻脚音脚

妾坐秧田拔。郎立水田插。沒脚溼到裙。披蓑溼到脚。隨意干科分趁勢。兩指夾。偃。四角退。徧滿中央。恰方。方。基。杼。綠。密。密。僧衣法。鍼。鍼。水面出。女手亦。畱。拈。斜。日日兩竿白。雨雨一。雲田頭飛。鷺鷺林際叫。鷓鴣。

○ 扳耨

一雨洲渚活。荻蘆風不乾。溪翁夜來夢。已落門前灘。撐船斲摸麗呼兒。磯颺竿。奢心樹四木。獨立晚且看。風俗通晉者樹四木而張網於水車輓之上初投意沈靜。數舉聲笑謹。牽來萍葉碎。守至星光闌。民租畫。

水面終覺江湖寬。強魚脫復得麤飯。飢自餐。

○ 貯水

南州苦梅蒸。得水雨亦喜。名之曰天泉。谷簾不過是今年芒種寒。閏月檐聲駛。吾廬甕盎盈。功賞最童子。遠勝廚笕通逸甚。舟瓶委清隣。月孕光冷訝石流。髓蓬蒿仲蔚歟。消渴文園矣。茶經復水經。寂寞千秋儼。

○ 合醬

淘麥磨得麪。煮豆配作黃。蓋以穀楮葉。攤之深曲房。禾俗煮豆之攤之覆之七日。而所謂之黃子。石缸水擔汲。篋篋鹽稱量。乘炎曬使熟。投塊和如漿。覆時寧忌雷。成日終宜涼。勺藥倘同味。鯁鯽難分將。國賓天子執物微。禮用章。疇諳醢人職。聊綴齊民方。

六月初三夜

如不覺者

在蘇黃之間

此夜眠難穩。經年淚已枯。桑園棲骨冷。螢火照魂孤。書筴休
忘盡。耶孃解喚無。再來知愛惜。鞭扑忍相俱。

幻居菴觀明人分寫大方廣佛華嚴經

城東法寶乞不得。五年兩度來。繙何清池忍。照素冠影微生。

且受空王訶。龍宮三本此。其一我非龍。樹奚摩挲。清涼山無

六月暑披雲。吞海遑之他。八十二家明。萬歷人各一卷工。磔

波陳燕子丁僧義道妙。出一手誇妹哥。唐僧義道偕其妹陳燕子丁共
寫小字法華經為薦亡母解脫

昇清茲第二十六卷薛
明益閔志孝合寫也莊嚴續補幸完善。寶閣不守歸於禾。中峯堂

前未持誦比諸孟。頰版依多薦亡獲。算豈功德觸彼苦語潛

滂池鮮丹悔不十。指刺正文十萬淋漓。拈唐林蘊撥鐙序
云推地燃拽繙經之

軀亦人子。未明破宅空。我我嗚呼德秀暨安國。為母發願良

非魔座中。豈無慧斐癡。結習文字煩。透迤謾論佛語菩薩語

豬肉河陽敗。則那淨餅供養香。菡萏新樓葢。覆陰抄羅海鹽

已散金粟藏。莫令小劫隨恆河。

綠溪詠二首

涵白齋

虛窻夜氣流。素壁天光聚。獨坐夏成秋。頻來客亦主。明燈二
十年幾宿溪邊雨。

獨樹軒

鴨脚大蔽牛屋角。滋芳春惜不能有二。東西風雨鄰千歲。乃
成此誰初種樹人。

白蓮禁體二首

綠意連天暑氣降。四圍濃柳影幢幢。低擎水面曾無染。實立
風頭不可雙。野老莊扉開曉月。女兒衫紵濯秋江。最憐草動

華石齋詩集卷五

三

純以韻勝不減唐賢

沙明處坐殺蟬聲半夜聽
艷歌縹緲自風汗佛劫仙塵夢已醒還向靜中聞
空際見娉婷船迴浦雨初收冷鳥下陂煙忽斷青一曲洪波
豈天上折歸纖手任冥冥

紹泰甄研歌

桂葉青青荷葉香小方壺中簷瀑涼摩抄石几試甄研水火
風劫畱一片吳興山黑秋冢崩青玫瑰拾穿池僧紅藥主人
購琢此乞銘小長蘆舊史縱殊宜城讚楚廟也勝絳客囊汾
水法真荒幼憑司空改元纔迄承聖終吳民開窳及冬令紀
年三月王之正愁自何來歎息頻出猶未久遷流更汪家兄
弟珪璧儔壺中高吟研與遊贈君老語借山谷我得二士傾
九州龍紋繞背騰黃色買得千金不論直

江上女子周禧天女散花圖

空中自度非雲車女顏一朵荷芙蓉從以萬花翔珮琚花隨
所至翩跹踏急之若吹緩若噓摘花不簪了髻梳按花在手
遙愁予本無有花花態舒非花非女誰見諸禧也畫得翻憐
渠女身苦相情拮据最憐苦相身為女千載曾無儀狄祠禧杜康廟詩二十四風彈指虛三
十三天稽首徐作此供養菩薩歎梅花樓心句自書黃媛誰介題誰
果不染青蓮淤玉溪生疾久弗祛焚香聊復開精廬邈然金
粟如來初

題仇實父人物冊四首

芳澤無加體閑雅是時王孫女新寡纖腰如束肩如削石几
風涼碧梧下孤坐無言微展襟斜看侍者囊素琴夜光明月
瑩無垢保之那不軀千金可憐車騎雍容客得婦分錢買田

宅

遠條館春風不寒淳于已侯樊嬖驩太液池秋風大起纓裘
一曲憐持履手執花枝顛顛何薄眷卷髮嬌孰多踽步而今
愁見畫十年禍水同興敗木門風響倉琅根燕飛何來啄王
孫夜長共被寒殊耐憶否不眠深擁背

身羌心漢無雙翼舉手祝天天晦色誤疑公主嫁當年只少
琵琶彈絕域遠陽草木春不榮河流入塞南無聲牽衣索母
擾二子渠寧啼笑知其情魏公金壁勞相贖鄙賤流離悲續
續青史蓬頭董祀妻黃沙血淚胡笳曲辨絃識律傷所遭中
郎且復蒙警警

義髻黃衰來窈窕春風任爾吹多少寧王玉笛倚朱脣能使
開元作天寶琵琶聲中舞阿蠻臂支未覺纏頭慳興慶池東
移勺藥繡巾再拜清平樂生死恩深髮一線鼓鼙愁散花千
萼水邊秋草諸姨粧冷涵夜月驪山湯殺粉未應誇院本更
誰憐得荔枝香

○謁明徐少卿祠觀祠後舞蛟石 真韓詩也

街東隨州老祠屋童年數過看鬚蒼牆陰最認古苔石梯攀
匝繞藤花時藤花幾開藤葉落儒冠已誤西鄰兒堂虛石歸
此重入默撫忠孝慚其私公身長不滿六尺公死浩氣何淋
漓襄陽告陷漢東震十數萬賊圍登陴嬰城七日救不至喋
血一門甘若飴 魏禧殉節錄序云獻賊攻隨州凡十三日公以羸卒乘城出奇兵殺賊力竭絕援身巷戰攢刃斷脰以死一子二妾諸奴婢從死者一十

八文丞相竟符夢兆卡將軍合加鼎司易名典虛社已屋百
年香火枌榆悲黝深竅泐太湖產想從清宛堂前移饑蛟舞
壑狀匪誕老人作怪吾終疑維公生平嘗愛翫此石感奮猶

蠖。蛇。雨。風。袍。笏。夜。燈。閃。爍。然。見。汝。為。驂。螭。肅。成。書。院。門。畫。鑰。
裔。孫。歌。哭。恆。于。斯。丈。夫。死。不。壽。穹。壤。星。精。實。地。頑。如。遺。

送萬二之陽山

陽山漢縣今連州阿兄作宰遠迎母便挈全家大庾南且過
明月中秋後車船幾出虛同里寒暑纔歸又分手山鷓愁人
竟趁飛兔株落我仍孤守上灘下灘灘轉急上嶺下嶺嶺忽
斗此客非貪趙尉金此心直送錢塘口湟溪關清瘴收墨桂
陽山碧城如斗官無丞尉巷無人昔者云然今或否縣東釣
魚磯可詩縣北讀書臺可酒小解波羅密覆檐佳日太夫人
上壽嗟君從宦身偏暇入粵探奇天豈偶五羊雖說雁鴻無
頓首尺書還寄某

登胥山

州人齒踰壯未識近郭山茲山亦傳會數仞殊孱顏靈支自
雙峽湧出平田間周以種淩水曲為臥柳灣村農廟鴟夷野
鬼莫敢姦姦繇來忠義魄到處土木頑陸家墓柏老樵斧幸弗
刪賢愚同此盡翁仲知其艱書堂碧篠影石劍青苔斑偏提
可常醉何必秋林殷

吳江用張子野韻

那得秋風不為鱸順吹帆葉又思吳斜斜紅樹影圍郭密密
小江聲帶蘆一力借人囊篋簡數峯迎面意言孤欲聞絕唱
無賢宰卻趁魚蠻入太湖

曉過太湖

竹枝聲破夢搖搖緩蘭楫正落洞庭霜已隱吳江堞推蓬寒
在面復更理衣篋風生濶處瀾岸響枯來葉日出如燕支山

活法

某字可商

青何磯嶷芙蓉誰汝憐深淺溼相裛

長洲縣齋看菊

高下霜姿百本擔清娛借得綠筠菴祗應小琰寒泉瀟靜對

黃州像一龕

查秀才岐昌行笈二詠

查字葑師

伽南香筆格

非椿非櫟柳海外數峯假靜流曲几芬佛性參般若研屏烏石倚肯出研山下

湘竹秘閣

片割君山秋邴家樣新得最便玉臂高趁放簪花力只休寫楚詞恐誤淚紋拭

東鄂烈婦行

國化如風加被之自宗始殺身殉其夫乃有東鄂氏東鄂年二十婉孌隆德妻隆德為宗人雙雙未及期吁嗟未有身天則使暫雙憑屍還護髮淚下如流淙家人環持之披麻髮仍剪髮令守者懈有隙絕我喘五月之二日夫葬五日周從容約髮帕畢命臨厠膺麻衣望天歸烈哉生所篤先舅倫達禮厥考烏禮本朝旗制夫死皆剪髮披麻若從死則否烈婦哭絕而甦護其髮既不得間乃剪髮披麻

虎邱詩十七首

并序

登斯邱屢矣或詩或無詩癸亥十月七日獨遊曠然興詠歸而續拈錄存者如左

行宮

聖人南幸日寶殿翠微高氣象三吳闢鶯花萬古遭金精長服虎方丈獨乘鼇野老瞻松蓋猶疑照赭袍

悠悠泉試劔石俱有淳化年呂升卿題字

山門緩初步秋興健單策一登還一顧有泉復有石寒非秦
帝痕淨是梁僧蹟林遊年宛昨苔蝕字成碧耽奇恆賤近日
見少心惜題名五嶽佳難遽徧探蹟觀泉滌輕踐踞石岸高
幘山風晚蕭蕭山葉涼撼撼

劍池王禹偁嘗作銘

取寶發秦皇亮哉斯語怪桐棺殉魚腸越絕邈堪喟呀深海
近通均黑陽微曬清無魚蟹生仄有松蘿挂跨臨亭子愁響
汲輓轆快使君濡筆年劫不到今壞

清遠道士養鶴澗

靈阜不抗雲幽篁乃紆澗澗聲雲氣中翠與白相幻精魂豈
遊遨佳藻恐欺謾鶴糧誰粟米鶴柴獨籬柵天光照崖磴苔

色上衣襟坐想殷周來人間幾憂患山青城郭改霜落年華
晏時下飲猿啼空令出花瓣

陸羽石井是天下第三泉

山高十三丈泉名十一處脈流巖壁陰甘冷此云庶紹興淘
復出見底清無淤倘來繡領人照影不能去

千人坐蔡忠惠公篆生公講臺字

盤陀數畝淨只此他山無一樽藉遙夜月明如水鋪春風不
寂寞禪意難重枯捫崖蹟方缺況彼頑礦徒白蓮花欲采池
綠生菖蒲

石壁隱起詩

靈蹟弔蒼崖悲風起陰谷奈何學神仙君不見幽獨
應夢觀音殿石壁刻經九十二行

石大士鄰劍池畫相者臧生遠十年祈夢一夕應與其弟寧
鑱刻爲得石於洞庭得助於鍾離肖彼行道相寶殿瞻慈悲
普門品勒石壁筆蹤九十有二人人寫一行行未百曾僕射
暨胡秘書字字黃金出嵌碧到今華藏道場幽絕勝莊嚴夢
疇昔經圍三面像立中達初所畫將無同開平麾下取畫去
送歸應復畱花宮我不茹齋慵禮像熙寧墨妙頻過賞未能
響揚攜俱還何必潮音之洞洛伽山慧業屬現在坐臥著此
間

梁雙殿遺址

小殿話淳熙空憐金碧對山頭一塔高看盡夕陽在

小竹林

上山復下山陰壑謝塵澹古木夾修篁蕭蕭綠千箇袈裟老

不寒於此設禪座幸是密成林豈妨流水過一窩寂寞雲吹
入塔鈴那

尹和靖先生讀書臺

西菴霜氣老樹葉吹空園欲尋三畏齋遂至通幽軒先生程
門之顏氏退自經筵來館此未得相迎入會稽吁嗟年已七
十矣書堂復祠堂落日指上方門人記錄僅可攷格言刊置
今都亡蕭撼誰規四書院買田築室無由見竹閒開徑栽黃
花青山可讀卽可家

東山西山二廟

王詢王振

所望終憐法護難爲正愛僧彌黑頭公對小令社鼓神鴉暮
時

繇余氏墓

石大士鄰劍池畫相者臧生遠十年祈夢一夕應與其弟寧
鑱刻爲得石於洞庭得助於鍾離肯彼行道相寶殿瞻慈悲
普門品勒石壁筆蹤九十有二人人寫一行行未百曾僕射
暨胡秘書字字黃金出嵌碧到今華藏道場幽絕勝莊嚴夢
疇昔經圍三面像立中達初所畫將無同開平磨下取畫去
送歸應復畱花宮我不茹齋慵禮像熙寧墨妙頻過賞未能
響揚攜俱還何必潮音之洞洛伽山慧業屬現在坐臥著此
間

梁雙殿遺址

小殿話淳熙空憐金碧對山頭一塔高看盡夕陽在

小竹林

上山復下山陰壑謝塵澹古木夾修篁蕭蕭綠千箇袈裟老

不寒於此設禪座幸是密成林豈妨流水過一窩寂寞雲吹
入塔鈴那

尹和靖先生讀書臺

西菴霜氣老樹葉吹空園欲尋三畏齋遂至通幽軒先生程

尹和靖
燈少師程頤
求言者云國與此
向若付子世

花青山可讀即可家

東山西山二廟 王珣王珉

所望終憐法護難爲正愛僧彌黑頭公對小令社鼓神鴉暮
時

繇余氏墓

蜂聲出暖日松影搖荒坡因懷治水功陶臣及烏陀

寺西小溪

鼓子花開幾落松陵客去誰招雲涯一曲千里時有人家板橋

半塘

寒食看春莫放閒少年些子是中間紅欄橋上從容立纔遠城門未到山

茶

沈甌色微白香甚幽蘭開夙聞茶葉好今值茶花來摘花山
左右香色如寒梅松陰及泉上亂草披蒼霧為語住山僧春
風須遍栽徧栽不須雍縣帖久停催文文肅有
雍茶說

蓆草

阿儂傍山住種花還種草虎鬚細織成夏月眠言好

遊華山

飛瀑見晴雪千尺雪石上刻句云
飛瀑晴迴萬仞峯旋螺聞妙香僧言華山處華擁支

公堂秋田石路遠晚樹雲陰涼高高穿鐵壁磴道造巔處刻
鐵壁關三字寂寂

轉蠡房腳踏茵苔瓣動搖天風長飄然不染心不在菩提坊

題王秀才鳴盛詩卷後集蘇文忠公和陶句

心空飽新得佳處正在茲迹寓心已去詩成竟何為江左風
流人喜見霜松枝獨立表衆惑黃花與我期物色恐相值世
事纏絲之功名豈人傑昭氏有成虧齋廚聖賢雜一笑百念
衰好語時見廣作詩記忘遺

宿太常公顯忠祠下

皎皎堂前月森森堂後風依依堦上下眷眷廊西東德業亦

何迹報之視嗇豐。恭惟里居年。粹養益以充。一經傳七葉。勉進小子躬。所懼迫紛紜。卑基鮮克崇。懸燈自照座。俯仰清氣中。默佑或可逮。于何發其蒙。

夜至永安湖丙舍集陶句

行行失故路。曖曖遠人村。素月出東嶺。枯條盈北園。饑來驅我去。心在復何言。雞犬互鳴吠。而無車馬喧。

蘅石齋詩集卷第五

蘅石齋詩集卷第六

秀水 錢 載 坤一

甲子

三十七歲

鄉試厲清隱菴復館德清

春夜不寐作

六甲從頭又一元。秋風花樣定新翻。何心入殼充邦彥。不見成名負母恩。高冢夜寒林雨落。重湖春靜岫雲屯。金華有語淒難忘。此事終分義利門。
先儒人教不孝未嘗以科目期

城隅

城隅南去獨西東。畦菜牆桑取徑通。老嫗古祠盃琰火。羣兒高阜紙鳶風。晚來芳草欲爭綠。晴殺杏花難久紅。得半好春閒裏過。濁醪能醉與誰同。

題盛子昭山水軸

武塘畫手傳盛君今者一見愈百聞吾州山少惟多水秋林
何處江南似胸中有竹竹乃生畫山飫得山鄉情抹雲插漢
屬且獨斜日紅黃半楓榭溪亭葢茅旁纜船筇枝叟仰一隨
肩松塢蠹樓門啓扇樵擔童歸一窺面山西稻堆齊屋山稻
場狼籍掃未閒山東牛官靠山腳叱牛出欄易驅雀東村西
村皆可廬草堂未置真愁予三時督牛十月納飯滿山廚酒
香榼此生願得此暫娛天公頷我山棲無遠煙破寺齋鐘靜
更欲逃之坐深冷

題畫蝶

舞態娟娟祇益狂何勞金粉揚滕王薜蘿自是江南草一隊
飛來便覺香

晚遊二絕句

微風吹面罷清觴嬾看桃花沈氏堂走上南城尋一笑可憐

壕股有垂楊

無主花開白閒紅一休一步轉城東青蕪忽到傷心地朱老
桑園厝阿鴻

種桑秧

雨晴昏日變土脈鬆何如後園惜多曠深草久不鋤鄉人擔
桑至剝啄適餉魚分將五十本高可三尺餘惻惻呼短僮出
我鴉觜鋤屋頭雲泚泚畦畔風徐徐我桑不求美貴在補厥
初已成幸相保摧折寧當虛鄰翁笑來助我術遂弗疎夕陽
功告畢休立潛欬獻老桑念始種我髮母手梳養蠶作兒衣
無年手拮据小桑今卽補母逝不倚閭蠶絲乃自計擢髮傷
居諸小桑豈必大亦賴荒穢除老桑尤待糞僮力難倚渠清

明葉齊白瘦地憐獨紆勤能償廢壞隙可容瓜蔬此身無遠
大敢冀煩憂祛烹魚酌二備簷溜方漸洳

劉松年觀畫圖歌

人事无常畫中畫畫中看畫無人會我今猶是畫中人畫外
居然發長唱石欄梅萼中庭春坐立面背凡十人袍鞞一主
三則賓亭後出酒盤有鱗谿山玉义展幅新齊心左向雙瞷
親軒眷抱膝或負手東風何意歡茲辰雲煙過眼成南渡回
首宣和等朝暮御府圖書不如故諸君好畫還收聚此情試
問暗門生蛇足應憐為添句春陰漠漠桃花寒我亦嘉客來
同觀倩誰傳得座閒事卻立四顧愁無端

獨遊東塔寺

毘盧閣轉夕陽虛複水平橋步正徐百五雨收翁子家兩三

松覆雪菴書綻衣僧老默窺牖啄粒鳥輕紛躍除方丈十年

前數入聲叩花枝應訝面生疎

長虹橋下買銀魚

急溜橋門阻輕船女手將出於絲網活看比寸鍼長恰及拋
錢候奚須斫鱸方雨來鶯脰近今歲始鮮嘗

楊忠愍公壺盧歌并序

高六寸容半升膚色黃栗滑不留手上刻小行楷書云釀成
四海合歡酒欲共蒼生同醉歌嘉靖己酉歲秋九日詩椒山
凡二十五字考詩為忠愍和劉靜修先生九日九飲歌韻方
官南京從韓苑洛受律呂之學而自製樂器則壺盧或即自
刻於其年也客歸自京師持以示載云購之虎坊橋市為賦
是歌

網

謂公御衣賜著何從容遺之大帽髮衝怒瀝血縋城達三疏
也自經不得又復引佩刀鎮粵公能邀一顧囚首排闥擊笏樓
疾風授命烏金鋪闔門百口視如歸白日青燐莽迴互時與公同處而
被殺者公以下十二人與公別居而自殺者夫人以下七人後此死公難者主僕男婦十
九人先此凍餓死囚所者十三人又院丞唐正發負公子歸京師其家被殺者三人先後
殉節五十四人其姓名失記而死者不在焉拘囚方四年幽憤草聖傳鉤摹十二帙草字
雜體無斯全唐裴行儉撰選譜草字雜體數萬言斯非皇象急就篇又豈浮屠永素
能專前正書況釋顧姬筆姬亦從公奮死歸於天嗚呼瘞骨
處廣福寺黑塔村碑
御製撫蠻滅寇將軍又死傅弘烈巡遠雙忠祠八桂
憲皇卹先臣廟入昭忠仍
諭祭本朝元氣極盛諸公生淋漓頸血為君父亦既青史
名其名君不見以炭畫壁范忠貞

驟雨過南湖

亂激水心白微開天角青數漁歸草舍一簾隱花汀髮動涼
於樹船來活似萍煮茶人漫汲中恐帶龍腥

翁莊感舊二首

樹外長廊草咽泉一來尋覓一茫然苦辛歷遍身畱在十二

門外荒無一

柄荷紅情前度始憐多便教更種畱儂看只恐

驚花是怨歌

清隱菴夜雨

竹屋響浪浪湖頭無此涼茶甘纔雪梳夢淺自繩牀蛙語入
蛩語山香連水香祇愁荷葉底避溼到鴛鴦

洪忠宣公祠

一字一語一語一感是
為深細甚為清微
蘇齋樊桐三未三
語此 壬辰四月記
僕南之悲即可惜
川上三歎

結四語不著議論
老橫絕世

草蕪葛嶺昏訪墓踟躕卽祠堂誰所新松柏尙虛植尙書天
下聞辛苦冷山色寧知十五年歸被言者劾桃梨詎云甘曾
獨奉五國馬矢以爲薪苦寒臣頗食迢迢再舉心絮書來自
北皇天國有人安否侍君側在遣隨張朱萬死畱一息可憐
景靈宮已復事華飾鈞衡豈睥睨謫徒是吾職何如奏議魂
差傍行都默朱弁卒於臨安府白龜池之寓舍蘇卿雖薄賞漢猶不負德忠臣而
可爲庶幾去蝨蟹湖山初賜第養母暫舒力故址尙憑斯靈
風颯然得其西鄂王墳慘淡林光直其東賈相園蟲語夜來
黑

○自金沙港沿裏隄尋荷上丁家山眺望南近定香

橋而止祝人齋同行

裏湖荷太稀爲我撐篙西野生遍菱芡意欲揩玻璃煙濃裏

六橋樹色灣灣齊漁汊狹可進水高船不低菰蒲深屢隔采
采情猶稽卻登小山見陂繡明如畦花多但前權何惜衝鳧
鷺一相夾一桑一池環一堤陰清雲漏日勢曲草沒蹊纖蟲
旣不飛稠蟬亦不嘶人行花氣中憐絕邨得攜白者仙出月
紅者女入溪斜斜領生影漾漾鏡收壑南峯淡逾翠橫管涼
未悽更遙更有香且勿裳露泥

清隱菴雨

窻紙爐香寂歷間泉流枕上大瑋潺枯枝失勢高驚瓦黑霧
遭時遠妬山諸客莫因秋氣動此堂方與病身閒豁然領得
全湖意不在天晴更啓關

張烈文侯墓

當年誰愛將骨亦岳家西戰鼓中原急秋山落照低曾無樞

銜冤齋恨千古涕
零妙在不著議論

府鞫竟有手書齋廟記碑堪讀霑裳草露淒

瑪瑙寺訪後僕夫泉

鐘聲湖北岸涼意納行客幾來門外堦看老數株柏高雲覆

荒殿溼氣生柱碣故知非舊坡有樹復有石瑪瑙坡前樹石之汲

深玉醴甘鑑影自甄甌好事雪肴師一泓未枯碧中庸子安

在屋與逋仙隔想初篁翠深鋤響忽靈液名仍山但改彼此

各蕭撼持以問參寥西村夢俱昔智果院參寥泉舊亦在孤山紹興間徙

是西村參寥下豈無零陵桐橫膝月明夕茶塢葉況佳試之風兩

腋

題喜子圖二首

長股類蜘蛛慣呼作喜子朝來遣相見百事吉可儼

壁閒畫得雙相見必成偶持向荊州人或呼作喜母

明齋壇茶字殘歌

殘心楷法書茶字不是棗湯并酒器二百春秋說水陵淒涼

西苑齋宮事洪應壇高對藉田纔聞毀佛卻求仙燧林綠桂

寧須有太液長春久闐然中興禮樂親優劣慕見丹爐夜天

徹重華青爵笑陪觀四紀金甌幸妨缺祭玉虔求備赤黃仍

聽秘色進浮梁潔分款識靈臺供恩注甘馨道士嘗摘鮮龍

焙方承作薦椀雷軒定呼瀾宮女擎來拜斗衣春風老盡延

年藥元宰金壺賜范多回青燒更大鋼何止封萬國嫌強諫

暫攝東宮諱舊病姪奸差快乚書詭請告司空突先死鹿高

於馬謖言馴桃降從天且知喜烽火甘泉歲屢侵玉杯寶鼎

負初心一瓷經費么麼甚異代傳觀歎息深鬢絲坐斷書生

業雪牖憐窺蜜梅頰清絕徐澆洞芥秋仙乎嬾問羊羔妾芝

括世廟一朝事小題
中絕大感慨清麗
芋眠曉而夕風

房暉暉露盤濃何似番僧日念咩人閒易得青詞手天上難
尋紫極翁

叫字韻書未收正字通書多念叫字叶韻容切三音鐘張日主華下曲守內番
僧日念叫街厨酒肉隨時供

書馬券帖後

一聲擊缺玉唾壺春申君亦知驥乎牽來瘦骨塵沙塗額白
入口非的顛卽不我售畱斯須食牛之氣龍躍躍膝而團麴
悲奚殊空中若笑燈模糊子曾不見看山蘇青袍噤坐瓊雲
鋪天機得精遂忘麤李生彈鋏步且徒受公長借誰門如平
生相識還相辜乃合立市求淳于翰林先不寧馳驅三年又
出乘肩輿黃翁蚌痛商砭疽那知翁也方飢飭布衣不薦幾
纍俘古戰場好乖良圖將五萬騎亦人奴前行八騶彼丈夫
春風新婦深帷車不鳴終日三品芻善芻仍與鞭珊瑚蜀人
鮮衣富自娛越人戴笠盟寒無何人跛鼈甘跛驢先生有命

從入呼嗶嚶潛聽風吹隅卷收妙墨搔僵膚豆羹不繼誠羸
駑索錢敢爾同追逋橐腫背休擲揄携蒲竟亦成三盧蘇
公說鬼聞之吁不羈我輩如斯夫起看灰陷蹲鴟爐

明皇幸蜀圖

扶風回首遮陳倉後軍已分之朔方沾衣枉合嘆水調割恩
纔得瘞縮囊先驅下坂江洶洶末騎度嶺雲蒼蒼知無綺紈
飾馬體尙有蛾黛參戎裝從官雜憩民呼將盤棧更上青天
長崔圓表迎房瑄謁到此滅賊思忠良縱云斜谷曉斷酒能
救華清新作湯王夷甫竟識石勒萬里橋獨來郎當噫嘻女
謁終李唐孽牙又縫戰士裳沈思天道禍裴監竊侍宮人悲
晉陽畫師誤點桃夢香摘瓜候豈殊秦疆衡山書逼雙井黃
蜀道之難千載傷

後有文待詔書蜀道難筆法是山谷

伯牙鼓琴圖

九靈山人鑒定之。宣和入院。高手為藏者。延慶秋。匡師。朱廉春谷又跋之。自後題贊多佳辭。我今諦觀。非院本。非無名氏。李伯時。巖陽草樹清而森。兩人對坐。石在林。侍者三人。各有執坐者。無語。風吹襟背者。聽之。面者。琴心不求。知則心廓。然天地音其音。

擇石齋詩集卷第六

擇石齋詩集卷第七

秀水錢載坤一

乙丑

三十八歲

館德清

送萬二光泰北上

嶺外歸舟歲乍更。幾宵燈火郭東明。極知會面元稀語。但到分襟輒厚情。奉詔春官三月改。看君進士十年成。天心國政今符合。好繼瀛洲宴上聲。

追憶周秀才昌并序

康熙辛丑壬寅雪堂金先生攜載讀書于秀才家秀才暨載

同門生也其家新坊

擔囊詎必遠鄉里。師模在遂忝子同門。二年輔勤怠。余年十四五子長年及倍而翁。古人風童卯荷殷待。木芍藥翻翻辛

即令真切不過耐
應之作耳

夷雪皚皚前榮與後簷此景忽移改小市失頻來遺迹緬多
載苒苒世閱人滔滔水歸海豈無琢玉期謂以藝蘭采胸懷
莫能行卽壽亦增殆

晚步吳羌山下三首

粉堞如橋跨水明東西過溪城上行看花欲渡不余渡上城
下城方出城

夕陽可憐春暗催二月今朝已破來見山門外松風起應笑
芒屨又一回

十日春寒不覺閒燒香溪女未登山緣坡正見一籬雪棗樹
人家門自關

織簾先生祠

落日尋高士春山見壞扉蛾眉殊不飾元散竟何希苔色井

深廢樹聲鴉數入聲歸里人趨社祭猶覺道能肥

出德清西門看梅宜園池上遂過麀麓齋復至清
遠堂上百寮山腳坐蔡家墓松下入開元宮得絕
句七首

石街蒼蘚入村斑帽影筇聲此最閒老樹著花疎亦得只教
看竹更看山

假山崩處數枝斜人道南朝宰相家荒水一灣畱底用熟梅
時節叫蝦蟆

清意亭蕪落照疎漫將梅堞比梅墟明朝郭笑山中展六瓣
尋他臘雪如

范老龍梅意絕憐中丞堂外見來然種花人去春風在卻數
潼關辨蒲莧切賊年清遠堂明蔡中丞官治宅中丞崇禎末敗流寇於潼關

三詩學杜之拙而得蘇
之後

南朝宰相常投水欲詢
美已慢不果為官乎為
私乎負此景愧蝦蟆
蓋後世也
此本館齋先生之說

屈鐵爲身玉長芽靈光誰竝閱恆沙眼明小縣無多戀四面
青山一本花

百寮山起萬松聲綠酒陶公柏下情去去且知今日事鄧廉

訪墓更無名

元吳文正鄧公神道碑云其宅湖
州路德清縣千秋鄉百寮山之麓

小塢深煙擁翠篁何年看叟築丹房橫枝拗得林中玉供與
三清座上香

觀蘇文忠公定惠院寓居月夜偶出及次韻前篇

二詩墨蹟卽用其韻

兩篇塗改尺幅完天籟曾藏值今夜獨客甘茶罷酒時明燈
淨几鈎簾下黃州花發水曹到白月人稀僧屋瀉送來清谿
三百曲東有海棠一株亞筍香魚美老翁媿弱柳殘梅陋邦
借霜氣烏棲御史聞洞簫杏萼彭城謝嘯軒竹下未吾闕睡

味雨中方此舍聲名文字少年雞憂患饑寒佳境蔗觴盡須
酤還可出詩成自和誰能怕月斜花落閉門空婦女不妨滋
悲罵

北流水上作

德清縣前溪北流獨客踏春雨初收新燕子飛上下渡小桃
花發東西樓顛狂堪了一杯事老大不關明日愁山色青青
入城處斜陽相喚出城舟

訪商隱先生紫雲菴遺蹟追和先生草廬八詠并序

先生諱汝霖先侍御公從子所居紫雲菴在邵灣山中距先
生之歿五十餘年載以寒食上塚獨來訪故菜畦桑壠落日
犬聲徘徊悵悵鄰翁出接尙能爲指識其處曰此則先生講

學之堂也前有小池亦已平矣延眺紫雲諸山松風不寒此
情何已先生嘗有草廬八詠卽其地如聞其聲益慨然於百
世之下敬和之云爾

小橋

水在山中行竹樹深相遶未絕扣門人安茲石梁小

流水

飲犢者初去漂花兮不止將因漱石餘益謹濫觴始

古樹

露霑亦泉潤尙爾根斯土楊園一宿來愛惜共千古

張楊園先生嘗潛訪

先生一宿大樹下而去

柴門

候門無一男松下自常鍵門內孺人隨怡然及雞犬

短籬

列墉昔有閑折柳鄰還續指處說先生園中每舒目

曲逕

書堂臨小池開逕不嫌曲落日照春蔬徘徊見高躅

細草

短僮戒莫除風雨一庭綠不入飯牛歌芳菲非自足

幽花

四時多所榮意不在香色荷葉以爲衣菊苗以爲食

附先生原作

小橋

門前紫翠堆坐對猶遼遠欲與日盤桓休辭略約小

流水

礪壑甫縈回羣巒已萃止感沸幾經來安瀾從此始

古樹

偃河一散材辛苦餘尺土歲月不知深形容自爾古

柴門

蔭下立茆茨有扉不設鍵稜稜松樹枝聊用防雞犬

短籬

雲氣時時生上下忽開續槿籬弗使高恐礙平林目

曲徑

門中頃步地瑣石裁令曲捷徑非所由庶云習我躅

細草

閒庭履跡稀養成蒙茸綠石罅賴彌縫跣餘還藉足

幽花

有美不期春有香奚事色澹澹以時榮尤宜供服食

求甘菊苗復至商隱先生書堂遺址集陶句

衣沾不足惜衆草沒奇姿井竈有遺處山川無改時羲皇去

我久顧盼莫誰知鳥弄權新節蘭枯柳亦衰

汪上舍孟錫招遊城南陳氏園憶癸丑秋與朱大

沛然醉此漫題

仄磴攀援桂樹青十年易主置新亭故人已罷高安宰回首

秋風一醉醒

觀聶大年小瀛洲賦墨蹟用蘇文忠公病中夜讀

朱博士詩韻并序

東軒自跋正統癸亥畱京師爲尙書抑菴王公作抑菴卽所
稱東王先生也跋者沈宣云先生臨川人名壽字大年與明

史大年名壽卿字異下榮引蘇集讀朱博士詩後四韻謂於斯亦云因卞語用蘇韻

學書必折釵作賦方漉沙謂餐蓬萊頂而或慳榜花飄飄老仙語祇向東王誇庶幾金馬兼無一夾口搗橫生態多逸復自成一家要令承旨負譬鬪竹瀝茶學官有如此與士潤焦芽法嚴過按察公論豈不嘉

溪山春曉閣

溪長山短一欄橫茗椀香爐特地清睡起卻拈書卷坐陰陰高樹粟畱聲

倪翁村居錄壁閒舊句感述

逝水無歸年夕陽易成夜憶初髻戲嬉寒食過翁舍露晨園獨開煙午墮頻下倒眠紫草田

吳俗春田之不種油菜蠶豆大小麥者撒草子于中俟其生綠葉織草開紫白閒色

小花曰荷花紫草取以膠河泥資培壅

橫拉紅薺架墮池釣童抱攀桑蠶安罵我母

為翁甥翁慈嗔勿怕人生最樂時逃學篠驂踈不知淳于槐

豈識長康蔗稍長歲挈舟欲效事躬稼嗟茲失母兒來稀翁

欠化鄰斤伐果林秋雨毀廳廡藤花絡高榆髮髯見開謝壁

閒舊詩句慘澹辱邀迓廚空晚色明香酒不聞醅無兒祭墓

虛有客沾纓乍八十老寡妻紡車尙冬夏

雍正乙巳春日過倪翁村居作村午不勝煙齋居日

窅然紫藤花梁發白練鳥翻翻挑菜出俗媿帶泥歸朴船聊成竹溪酌易羨武陵仙

六十七研銘拓本歌 并序

唐研三華清宮于佑李洞宋賜研三范仲淹馬知節周必大銅雀瓦研二黃庭堅王獻臣歛石摹羽陽瓦一游景叔研之主有名氏者三十有九王鞏李方叔翠微居士彥清蘇養直韓元吉虞仲房陳景元石林定之張龍辰趙芳洲富山樵侶

句曲外史雲石道人柯敬仲子充篁墩賓之魯川徐汝寧各
 一庭堅王寵各二芾子昂各三東坡徵明各四而觀者為之
 銘者不與焉無名氏者十有七其一無字盤螭紋特精其二
 畫一山水一竹女子者二皇妹晉國仲姬也合之凡六十有
 七銘詞之可錄者東坡為王鞏云王鞏魏國文正公之孫也
 得其外祖張鄧公之硯求銘于軾銘曰鄧公之硯魏公之孫
 允也其物展也其人思我魏公文而厚思我鄧公德而壽三
 復吾銘以究令名治平四年三月廿五日李方叔云非乎非
 赤菴粟以澤宜筆與墨與手相得而山谷銅雀瓦有云其屋
 歌舞除風雨初不自期為翰墨主虞仲房有云銘之者誰曰
 虞仲房淳熙丙午賓之有云墨無停宿水宜易新徵明紅絲
 研云色示絲澤示肉儼九苞載栖竹錄之不勝錄也于佑研

不小顧貞元閒會稽呂京題云余得之廢市中形制小小豈
 佑好吟覽置之囊中者耶夫必其小者則東坡之雪浪齋雅
 宜之如虹矣贈人者一子昂寄贈京口石民瞻篁墩云歸之
 石田與同壽也若飛梁玉壺冰庭堅之紫雲必大之洮瓊仲
 姬之乎瓊芾之龍泓富山樵侶之龍吟又李洞之隱日堂子
 充之樂園景元之碧虛丹館皆題字之可喜者前人既已集
 之而余復觀之遂為歌之

天寶六載製異今玉蟾蜍見妃子臨秦宮遠矣漳水深研真
 與假空愁侵真研不損蘇文忠語以研賜臣臣克任以研贈友友獲箴不

惟其研惟其心魏公鄧公蘇公欽蘇銘一字不換金宋書規

晉蔡薛森薛道獨懷端明蹤莫尋承旨待詔行駸駸躡前諸

老來獻琛顧使女子荒織紵青花鸚鵡知其音誰為此冊富

此八字可無庸注

此等豈非超韻

林藪款識欲隨鐘鼎剖。小篆八分行草手。集如法帖十八九。
邱遲沈約回文式缺有玩物喪志聖所否以畫代之良亦偶。
于君錦囊許探取覽古登高吾壁友自銘乞銘太紛糅一字
三字惟敬守。一言可以終身行之者其恕乎此聖門一字銘也詩三百青州紅
絲不屬某某歌即銘殿厥後

吳興

水鄉難得復山鄉。城郭秋風透客裳。江子滙邊新水濶。霸王
門外暮山長。小荷葉憶大荷好。烏氏酒誇程氏香。且買一尊
明月上。獨吟還過碧瀾堂。

和白蘋洲二碧衣女子詩

雨點不時冷。蘋香無次濃。泊船何所憶。攜手或相逢。緩緩玉
簫籟。姍姍羅鞵容。人間盡離恨。若箇得長從。

觀黃文節公題淡山巖二首墨蹟即用其韻

淡山覆孟仰窻戶。仙佛所居無點塵。再氏溪中司馬柳。荆南
碑尾作記人。偶然黯淡一本墨。太息崇寧三年春。徵君化去
洞無暑。聞道以之深刻珉。

桂林寄家家未遂。宜州作夢夢不歸。漫郎闕銘如有待。十客
張飲莫相疑。東風狂吹零陵郭。淡竹翠滴老子衣。腕中筆尾
是何力。公與秦少章論書云能使筆力動操固謂知音稀

懷祝孝廉全大理嘗見公手稟題作懷人齋大理人齋名詮此作佳

日落思君處。車驅下第年。西陵纔夢寐。南詔又山川。霸略陳
同甫。狂歌李謫仙。亟須歸萬里。蕪盡海濱田。孝廉嘗賦放言有二云歸

八千里安得一年三百
六十六日日遊鳥倫

觀山僧割蜜

牆角煙青火漫熏。連筒截餅若驚分。安州正復依檀越。長老
都應嗜麩筋。一切性真如所見。中邊言徹竟何聞。蠟房煉後
誰當嚼。門掩空山落葉紛。

咸和甄歌

永安山破蔡叟鋤。寄我古墓甄尺餘。咸和四年八月立七字。
我識非虎魚。謂叟頗知廷尉否。其年小馬餓歸走。吳興水溢
月書七。西北天裂歲在丑。瓦燈熒熒愁篆文。啖薤留白彼護
軍八州都督四公子。績麻樂土方云云。邑雖已改山猶昔。筮
吉龜凶落斯甃。泉生日見總心嗟。後魏高流之破一古墓得銘曰。我死後二百年背底生流泉。香鬱
玉深誰淚滴。遐年可討名不畱。任孝恭祭雜墳文。邈矣遐年。討方甄而不記。甄兮甄兮發
一邱餘。不半露直輸孔咸康。竝時應識劉石柱記。餘不亭侯孔愉墓。在城山下。甄甃半露。西吳
里語。西余山寺僧道孜作壽藏。乃得古冢。刻字云。晉咸康間中大夫劉造妻管氏。燒之不堅。異石性。樓鑰。王大令保母。甄刻詩。古人燒甄。

堅于石製研不良。況成鏡。壙中儻有古錢遺。乞我一枚。明日更

茗雲草堂曉起得雪

園風陣陣聽鴉遷。窻紙光光得月然。失笑短僮云碎石。童子云。落石雪
蓋雪也起看南郭有微煙。山山敗絮蒙頭我。樹樹空花過眼禪。
綠甚清溪殊未凍。一簑那欠釣魚船。

雪向晚轉驟

兀見飛飛白。一城爲誰終日俯。高楹模糊林澗環。周意寂歷
圖書跌宕聲。下若酒多來且暖。武康山亂去尤平。煎茶未必
宵分渴。莫遣深埋折腳鐙。茗雲草堂在舍亭山南。齊王裕之隱處。林澗環周。見裕之傳。

夜半聽雪

比鄰火黑但風多。已壓牛欄塞鳥窠。靜極溪陰冰片結。蕭然
園角竹梢拖。將軍城廢沒應盡。教授宅空寒若何。合眼太虛

方炯炯萬山知我獨興歌

聽雪憶永安湖

迢遙此際海東壖誰念窻聲聽未眠墓下哀號媿徐積火餘
露寢判焦先明明點到紅爐內急急吹來黑鬢邊杜曲岡西
松萬樹樹根寒殺在山泉

雪止徐上舍以泰在城內有昨夜見懷作荅之二
首

佳晴雲水轉清虛似此溪山可讀書甚欲草堂鄰白石還期

詩格到黃初

所居為明蔡白石侍郎宅址先太常與侍郎同
年嘗荅贈白石詩云黃初千載去君獨乘扶搖

羈愁不計明于雪春酒無煩煖若湯料理鷺鷥肩聳聳今宵

真有月如霜

來詩反用蘇公樂著作送酒句又云
剩我獨吟何所似月中寒聳鷺鷥肩

茗雲草堂對雪得月

瘦硬通神

溪山百里明雙眼雪月三更凍一杯身即非魚方在水心元
如鏡況無埃平生幾度逢今夜寒意當空偈老梅此際東西
天日頂鶴飛能去不須來

蘅石齋詩集卷第七

蘅石齋詩集卷第八

秀水 錢 載 坤一

丙寅

三十九歲

館德清

讀書西湖趙莊

同徐秀才以坤沿後湖上蘇堤看桃花入賢王祠
得詩三首

落盡梅英竹柏閒 禪宗院閉數桃殷 舊遊正綠西村水斜照

先濃北苑山

六橋平接五橋陰 桃柳相兼柳盡金 風急霧寒難造次 一般

含藥各含心

春人春物劇相憐 誤殺花枝渴欲鮮 玉帶橋生雙漿浪 金沙

港擁一園煙

汪上舍仲鈞來湖上同步蘇堤看桃花南至花港

五首

三分花事九分春春老花稀肯待人不把酒船堤下泊東皇
何處著閒身

堤遙分種菜花香樹頂紅來樹腳黃黃裏淨開沙一道紅邊
高夾柳千行

南北山青接一堤一堤紅影水東西紅梢合處人行去驀直
陰陰遠更低

搖搖不倩筍輿扶得得青驢要跨無困即眠沙醒藉草一筇
狂甚不曾孤

小檻深憐滑笏紋定香寺近倚斜曛不知若箇青峯影鏡裏
簪來溼鬢雲

徐秀才汪上舍同舟小飲沿蘇堤看桃花過淨慈

寺復憩花港六首

土步魚香玉手羨浪頭蘊碧活船行今朝直倚東風勢惱得
無情亦有情韓致光詩妖桃
莫倚東風勢

手撐青幔一邊霞照兩三枝酒上斜各有鬢蒼梳掃得誰言
季女不宜家易林春桃生
花季女宜家

橋邊朝雨一番乾樓上春山一陣寒未害緣情多綺靡玉溪
詩作鄭聲看

冥冥不止外堤紅日照西陵馬步通假使桃花也蘇姓屬他
小小屬髯公

踏青踏青菜已挑山南冷未叫黃袍未明不管門前水卻聽
鐘聲刺一篙

水榭人歸蘚欲封知魚知我且從容夕陽苦覺非前度忒殺

薰鬢炙萼濃

入飛來峯諸洞遍觀諸題名得詩六首

歸養乞不得白衣僊定知葯洲伴堂吏乃失西山期咸淳丁卯七月十八日賈似道以歲事禱上竺回憩于此客某某從子某侍期而不至者廖瑩中

御史罰金去越州過杭州誰其知越州歲暮此中遊孫覺張徽戊申十一月晦同來戊申為神宗熙寧元年覺時為諫官邵亢在樞府神宗與覺言欲代以陳升之覺遽劾亢薦升之神宗怒其希指遂出通判越州亢亦引疾辭以資政殿學士知越州

勿詣同鄉子願作敢言臣青史大可畏樓店難相鄰蘇頌子容熙寧壬子一熙寧丁巳六月初九日遊又楊景略胡宗師范岫黃頌彭汝礪王祖道林希元豐己未七月十二日遊靈隱洞蘇公與呂惠卿同鄉汝礪元豐初以館閣校勘為江西轉運判官陛辭言不患無敢為之臣患無敢言之臣林希熙寧間青監杭州樓店務

查周克世德曹後宜何成璿也有同遊六人而不名道錢塘周世科西蜀曹山口口口庭訓口後百有四年兵部查公曾孫朝散大夫提舉兩浙常平等事應辰察推周公曾孫承議郎通判越州軍事撞復同遊此洞敬觀遺刻實崇寧改元歲次壬午口月二十有八日也太平興國二年戊寅十二月二日郝璿與知府正郎范轉運使副劉杜巡檢人保瞿戶部判官杜通理孟同至此

諸孫憐秀邸毓得集賢才會避今年暑龍泓一再來陸德輿載致道與言中甫淳祐戊申中伏後一日避暑同來

故人名忽見苦蘇奈情何長安曾筮易苦節十年過康熙甲戌布政使武陵胡獻徵第八遊子期恆侍行同遊某某期恆雍正初甘肅巡撫元年丙辰冬月載雷京師適同居止明年春載將南為筮得節之萃誠曰子勿歸苦節不可貞也載生六齡失生母昊天德鞠于先孺人未嘗遠離家貧先孺人佐理悴焉念此怛怛甘苦之微孰有逾于歸者乎謝之歸

坐蘇堤春曉樓看桃花二首

十二欄干千樹花。花欄仰俯客方茶。蒸來多恐雨師驟。倚遍

只教風袂斜。

造語之妙至此

烏頭女兒花。下攜紅得青山青。欲低天與太平人。笑樂江南

三月此湖堤。

自淨慈寺度第一橋至第六橋看桃花五首

慧日峯開碧霧流。賣餠簫暖不吹愁。佳人難再佳期再誰道

橋邊第一樓

午陰不著鳥咬咬且少輕塵馬足跑才過一橋紅一段又從橋面望紅梢

中酒心情漫劇歡深紅非易淺非難不教穠李相當對慘慘偶然明玉團

愁多愁少似春潮根葉都將姊妹邀格是盛年還不嫁思君最在望山橋

人行緩緩花開急前路明明後面昏便乞范彬圖不得柳絲一半截煙痕

蘇堤桃花閒有百葉者白沙堤向外湖一面遍種之緋絳白相雜而開較晚雨後步堤上為賦四首
蛺蝶團飛漫作狂那知千嬌自中央未能向日輕分笑禁痒

纔施薄薄粧

南國容華倍可懷紅兒佳更雪兒佳鱗鱗瑟瑟邀相住涵碧

橋邊十二釵

孤山路有涵碧橋陳堯佐撰橋記云寒山鱗鱗屏焉四合澄波瑟瑟鑑焉中照

燕瘦環肥各取拈衣裳水碧較無嫌不須殘醉來明日拌與

舫船一洗甜

楊誠齋詩一洗萬古甜酒空

可憐雙瓣即開齊勾引遊船半外堤卻指後湖山似染玉清宮只草萋萋

同徐秀才

以震上舍以泰游棲霞嶺以泰郭陶尊

春雨無久溼陰崖忽相高藉茲習余步飽食能忘勞泉南摘

茶女手各隨所操多生今歲筍不見昔人桃常時仰蒙密身

坐湖中舸綠陰度隘口適與衣襟遭石亭築有意似欲休吾

曹煙氣隔山淡午雞聞屢號

此等乃真唐人
隨亦是漢魏以來
上接風人正脉處
僅以佳妙目之索
解不得矣

天閣五字其聲破

牛輔文侯墓

不遠東山街俱倍主將瑩往來神颯沓先後死分明國有和
戎利天聞免胄聲今朝春嶺上戰事說村氓

白沙泉

岡壠擘多支松聲曲折內喜無仙鼠飛其上即當路一泓對我
未見泉初瓶擔凡幾輩回味廿年甘心知此閒在溼粉了涵
光四林清晝夢我心泉詎知厲齒偶然逮僧歸持應器問一
荅成再客如不入菴籬犬亦何吠

無門洞

蕭碧蔭關深苔痕踏愁破僧家有此竹出入日常過紫藤老
非樹十丈立不臥石龍經雨沐鬪珥著風播上枝鬱相樛密
幄甚可坐斬葛已諸方挂猿應一箇闍黎語何真雀舌供新

四句竹八句藤

作池光檻外月敢落青城唾壁像冷且高谿飶氣嘯呵不逢
佛眼師休夏誰能那

上金鼓洞酌金果泉出覓路松林入嬾雲窩

短筇健催脚願得高處覽釋老各青山我初無二感先迷豈
誠非欲遂殊不敢上山復下山生明則生膽洞思真人隱泉
類君子澹暫來亦終去羣綠且盈擘吹衣謾謾西天豁地驚
徹不雨為密雲有孚利習坎隔離道士招屋北下披閣問鄉
知偶客同郡笑家澈妙花堂上薰翠幕林閒默此意付騰騰
仁儉禪師謂如塵看糝糝石池自新漪風色猶晚蒼正宜肉緩
之騰騰和尚身誰謂性當揜門前路何由恍俯頃時憾酸甜斷而續只嚼
一橄欖

徐道士導遊紫雲洞

華石齋詩集卷八

纔下雲梯旋竹塢密陰高轉飛青扈澗聲我語道士語竹裏
 磴盡松落鼠松風半天開紫府小兒三珠戲可逢礙者是壁
 通者空水火相勃寒鴻濛我其先入道士從此中數百人足
 容穴穿山頂不盈盍一柱蹲蚪支薛額梅堯臣詩薛花題洞額觸柱將崩
 震兢兢壁書漏痕兆龜坼無角有足緣蜥蜴非煙細繞佛像
 光蔭于真際火宅涼今者不見見夕陽我思赤城與括蒼十
 洞天六赤城山洞十括蒼山洞道士告曾踏石梁瀑布飛流以界道聲來耳邊我
 驚倒撫掌殷雷發枯槁亦獨何為被渠惱泰山塏堙遊即好
 此中讀書雲四圍默坐玉池自生肥道士道士情庶幾開門
 春風蝴蝶飛只愁化作仙翁衣

烏石山房

峯後轉峯前芒屨瑩确穿閉門青竹色沈磬夕陽天詩意何

關客春光不離禪坐看黠質古漸欲上廚煙

過湖循南山步行飯於理安寺復歷九溪十八澗
 出徐村遂竝江滸入雲棲寺宿

船人喚春遊引勝成所願石屋嶺高高洞佛尺還寸問渠鑿
 何年色相乃繾綣舍之度西林青瑤流不恩熙寧鄭守題亦
 未落荒蔓楊梅說金姬夏月竹筐販只今焙茶天山姑摘芽
 嫩巖英翠雜殷修竹俄十萬衲子豈嘗識腹空就伊飯日謀
 與心愜腰腳已忘健但覺亂水聲相隨屢休頓須與出大江
 詎止囂塵遠前期淨土因手欲一花獻夜堂聽風泉禪誦為
 誰勸

曉起至蓮池塔院用宋余知閣詩韻三首

余家何處問東西西谷東厓露滿蹊守院自寒方掃葉一燈

長老尚恬棲

山有雲光任鳥飛。澗無魚影不安磯。茶甌究竟如何碎。我已將心到竹扉。

了了儒門半陸沉。鐵花開後別成陰。不妨孝義菴中骨。祇隔風聲與水音。

○立夏日雨湖樓卽事二首

迅暑追思夢亦慵。樓窗幾攬髮髭鬆。草青頗奈催蛙屬。雲白

無何失髻峯。葉樹憑天手。翻覆隻鳩共。客唱于嗚。一回春去

一回老。今歲西湖對酒鍾。曉起望鳳白玉山白雲平。截不見雙髻峯俄頃雨。

薄醉成歡帽屢斜。坐看飛瀑響檐牙。摘櫻江上非雙樹。餉茗

城中定七家。且架醪醑欄芍藥。誰穿蒼蔚入谿谿。清風卽是

楊村院。未覺鉗來乳水賒。

○湖岸曉立

纔生萍點柳沈煙。旋出荷莖柳放懸。幾日柳陰山霧溼。野蔭

葉漲不容舩。

○同徹上人徐秀才遊花塢放舟

屢失西溪約。尋幽事且然。山今來二客。師昔住三年。苦筍新

抽石家梅。老仆泉塵中。更何待搖舫。急須前。釋真一筍譜法華舊無苦筍余倡植之又梅譜

法華土人稱未接梅爲野梅已接梅爲家梅

洗馬灘

高橋縛竹爲下長。馬腹水蜻蜓碧如何。舩艇行不止。秦亭山俗謠蜻蜓山

飯聽松菴

坐處松七株。饑來飯一盃。味不入薰辛聲。疑竝榕栝。元道州九疑山圖記

杉松百圍榕栝竝之

法華亭

益憐峯窈窕漸映鬢鬢輦道蒼雲霽自秦亭山至雷下稱沿山十八里是南宋輦道花枝
閨月酣橋無行處板衲有定時龕塢口人驚怪倏然客兩三

藕香橋

跨澗澗流急穿竹竹翠深香微我聞已無蓮亦無心

精進林

門前老梅樹對客青結子我腹不必脈初飲廬山水道人看
有雪五十年居此

渡澗叩法楞菴不得入

叩扉不開扉翻作主人慮後山刷筍聲僧在筍生處本望澗
西來仍從澗東去

宿雪崖

開門適見山立地遂成佛雪時更寒沍崖色猶髮鬚琉璃明
復明茲焉坐臥行不住之所住夢覺一林清露氣溼松竹無
風滴如雨陰陰澗響中已出二僧語

曉度招隱橋入在澗菴

吹衣淡有風竹影沈沈瀼清音非偶即忽忽瓊瑤在白雀下
除閒碧雲生戶內碩寬而邁軸我豈能不概一僧結香火自
得躬井磴

微雨上樹雪林

卻到山盡處有地非無錐籬梅只見葉雨聲方著枝老屋過
百歲妙香聞片時仍畱檐閒語回問朗法師檐額養金剛定四字宋
之問贈朗法師語也已

卯春日屠象美題已卯明
崇禎十二年象美禾人

隱峯菴十餘年無僧住矣

幽絕

鬱鬱祇陀林蕭蕭碧峯上常住本寄名君將復誰訪僧亦無
去相我亦無來相門前澗水流齒齒石生浪

普光菴二首

普照豈無王普光乃有菴應來普光佛卻坐普照龕
偃蓋松一株當關覆禪定下山心不畱忽擊數聲磬

肯菴

有僧閉關一室將三年

卻到磬聲邊疎篁映窻種香深十笏餘不自禪誦尙憐穴
壁光面與客譚共雲師才幾秋戒師先一頌有生蠹禪中何
處可逃縫

梅谿菴

初地樹連理憶觀第二枝人先雨腳入庭下條成池

吾郡南湖煙雨樓東

觀音堂側有連理一枝

眠雲室

陰陰翠微午餘溼松氣芬看雲習我嬾僧更嬾于雲酌泉回
法雨知是一家分

理安寺僧住此法雨理安泉名

雨止同徐秀才叩心齋卽送其先出塢返湖上

不知秘密藏指與松陰題願見智慧光前山日已西雲收諸
澗落漉漉鳴於溪偕來忽獨去意愜誰當齊忘筌寧有想此
語非訶詆只越一重嶺筍輿高復低

定慧菴

濃陰獨樹大單壁新齋虛但學無漏學著坐如來如

蕭子良文著如來衣

坐如來坐

沿古梅菴後山腳轉入石人塢

出塢更投塢舍奧而就曠清陰屋背穿霽色岡頭望麥陂柿

葉垂梅豎豆花放圍以峯一彎衡宇各相向農人樸可接石
路狹能讓流泉下九沙佇立獨惆悵

將踰嶺還花塢失道落荒澗雲與雷作比到嶺春
顧望西溪連峯明滅已在白雨中急點東來無處
避衣襟淋漓啜下松林乃是普光菴後入焉雨亦
止

了了指濃嵐超超越修眇豈因給村夫捷徑乃自窘黑氣忽
覆船澗深深且盡疾雷破更驚弱葛力相忍置身幸已高反
顧錯難準一片蒹葭煙大青鬱嶼嶙兼葭里西溪東北
大青嶺西溪南遠雨垂散
絲玲瓏白光引須臾點背麤颯沓漫空緊霑服何以當投林
劇堪哂那知屋後人又踏園中筍坐久欲援琴無由得徽軫
低檐響滴虛樹下一蚯蚓

首句可解不可解厨
烟五字微妙不可思
後

雪崖曉起坐雨繡毬花半落

冷雨復何意圓蒲猶此間人聲清隔澗竹影密遮山砌雪明
相積廚煙澹不還豈無三宿戀輸與釋迦閒

微霽出花塢至雲棲別室

林暉照我衣去此亦何欠短策滑磴畱輕鞵軟沙陷法華山

下鐘鑿翠軒邊梵布施鄭君心依依茗甌汎明天啟中華亭鄭昭服
及其子所捨山場林屋

巖煙蓀萼開蘭紫白花者
各蓀產山中砌水竹梢蘸持寄老人前無端一相

鑑

橋亭避雨

山雲半陰晴我亦隨所適已詡林宗中正須子瞻屐亭邊花
點紅橋外水流白回首老禪棲松蘿氣如積

映壁禪院

密密青桑徑高高垂拱基道人鋤菜罷與語頗得知廢院導
相入繡旛飄半鬢秋霜歲常歷銀杏今又齊報國寺銀杏楊載懷古詩所謂萬年珠樹落秋
也霜粧閣在何許蘇崖號竹鷄窻前水深浸謂是洗粉池一家
春不見日照柳浦西別是一家試叩淳熙鐘莫采徘徊枝寺舊有金銅鐘
一口上鑄淳熙改元會觀篆字銘徘徊花極香宋宮苑以雜腦麝爲佩帶珠

鳳凰山下溯澗行憇石橋望聖果寺

陂煙溼不濃已足靈石術迷離紫殿尋躑躅青蕪送微聞幽
澗來漱玉落橋洞蘚軟人自憐竹新鳥無哢巨壁屏開張密
林髮鬢鬆亦知故苑深幢立尙占空迢迢磬隱花寂寂雲生
甕但煮郭公泉高窻午時夢

梵天寺

舊井窺靈鰻水衣壓牆溼犬聲出青蘿憶得坡仙什玉削復

花雕依然湧高級乾德二年吳越國王所建石幢二記刻未泐有云玉削雙標花雕八面今朝侶蘭隅不

謂看山及明景泰鐘墮殿基識云杭州府仁和縣侶蘭隅梵天講寺江光門外霽但坐底須入儻

復觀雨來乘潮便蓑笠

望八卦田

梵天之後峯登頓出塊坵香火隱雙扉西巖竹風戛新泉筍
爲燒飯我牙頗刷相引踞高崖江迴千里察菜麥宋家田環
環方位八郊臺誰已墳華表對荒刹煙合晦昫昫水分溝泚
泚塢深天暉暉林茂鳥嘎嘎齋宮青蒂梅曾拜光堯札會待
雪晴來屐痕草妨滑

月巖石上諸刻讀王文成公嘉靖丁亥九月十九

日飲月巖新構別王侍御詩用韻題

怪石堆蒼雲惟來采樵迹怪石堆雲蓋太古空至元人題句嘗聞中秋明穿窳月輪

蒼君勁似老杜秦州詩

卽客袂暖自披天風高不息煌煌新建篇
蘇蝕未鼓側思田蠢西南衰廢起閒寂
把餞駐旌臨霜初桂餘坼民無必死讐
公有多病色浩蕩攬斜暉從容埽青壁
來歸遂幽尋別語識職吏切胸臆萬古南安舟騎箕不重覲
專兵豈有之身後謗何亟大筆勒蠻陬
仁心照遐僻

入聖果寺從寺後登鳳凰山絕頂觀排衙石諸刻
遂下慈雲嶺

仄步下西巖荒園落叢篠其旁洞石堆
蓮萼吐秋曉忠實指樹陰石多題刻而忠實二字最大王荆文蘇忠契塵表道場無著開
夢幻閱錢趙寺後壁更青有三佛坐悄嘉州岸何如霜剝水淋遶披草探金星
洞名蘇銘入雲竊遂登四顧坪一領風縹緲念昔介亭賓憑虛奉囂醮海門起鷺濤
隔岸越山小講武旣深巖鼓聲振

林杪兜鍪諸女麾赤幟夕陽晶沙輒到今
平天高值人少祇餘排衙奇武肅蹟天矯
千里翼羣龍迴瞻屏障了江中漱之噓喻日清杳靈氣鬱蟠閒文明有先兆雕鷹掠光來瞥去
浙東渺修嶺擁若關眾麓割相繚不見棕
櫚涼摩厓篆痕縹慈雲嶺舊皆棕櫚吳越國王題名尚存

虎跑泉同陳秀才經業徐秀才以坤

樵歌嶺如何問道屢不左寺扉老樹陰
客髻鮮花朵看山本爲泉酌泉且畱我
松風灑無聲松影石欄坐儻復來戒公意
言適俱可

雨後行北山下
清泉滿路不歸澗破寺無僧惟出雲隄
內小池荷葉翠忽然風動與香聞

中唐名句妙在截
作第一第二句更
妙以三四句接之
則人巧此化爲天
美此三句可爲知
者道也

四月晦日觀龍舟二首

雨歇柳陰涼，鼉鳴錦繖張。非關十大尉，猶向水仙王。

兩堤人未來，偃蹇青山在。明朝下臯亭，風色魚一隊。俗以五月朔賽牛山

娘娘廟下

八月十五夜飲徐明經以震上舍以泰家二首

碧天彌望露華霑，半月泉頭正一奩。若以龍鍾紀年歲，姮娥

應怪似蘇髯。文忠詩龍鍾三十九勞生已強半歲暮日斜時還爲昔人歎蓋用香山詩行年二十九歲暮日斜時也

好夜西吳記此回，徐家兄弟勸深杯。四山有影溪無響，直上

城樓共立來。

風渚湖

蘆葉菱花曉，潞洄村多埏。埴少泉煤禹山翠，對封山立下渚。

清連上渚開，畫舫齋無晴雨句。宋毛滂令武康作畫舫齋其清明過下渚湖詩云淫雲堆雨未全輕啅雀翻枝已喚

晴

王官谷有主賓杯。徐抑齋郡丞築生壙于上陌埠山中值以生日招遊其處遽廬天地筇枝覺。

任爾秋風兩鬢來。

防風廟

商有汪芒定幾傳，秋林獵獵谷谿谿。新賀尹勤兵日碑斷。

錢王建國年，落照鼓簫喧。傀儡一方蠶，穀走筵尊會稽莫以。

懷神禹淫祀，輕論舊浴湔。

九日遊淡竹塢，度大壯嶺至妙嚴寺飯歸轉入保。

慶寺小憩

此日例登高，有客偕以行。行行玉塵下，已遠溪邊城塢中。田

半割打稻家，家聲識是永和鄉。翠嶺松陰橫。范文正沈君墓誌銘云葬于德清之永和鄉大

嶺壯松陰復松陰，嶺北峯崢嶸。盤岡擁孤寺，數里穿松平沙門。

解揖客款款，鄉人情東林。不設酒茲，豈爲淵明沈公讀書處。

忠敏與求修竹風泉鳴偶來非訪古境亦隨心生還循舊路眺采
折黃花莖黃花積穀陰保慶寺在積穀山之陰未到殘鐘鉤乾符記唐代
庭菜殿仄傾試問東西峯略不知其名緣崖接歸翼雅舅株
株晴雨點忽稀疎芒屨相逐輕

冬至日同王五過東塔寺明秀居

蕭颯讀書處廿年同再來寒暄當亞歲破屋有陰苔清白水
難鑿芬陀華幾開不論誰後死煩惱憶今回寺有溥光所書八大人覺經墨蹟卷

石臼漾殘雪

篆紋流至清本是茗所派況來雪晴時艇子搖益快風鳥聲
不聞煙林色如壞人家屋山竹梢葉已勝畫高城渺回首翠
靄隔香界誰為施水遊屐齒佛前敗天寧禪寺唐為施水菴李諤過施水菴詩香臺翠靄重

新城

敬弔嚴夫子旁搜越絕書戰爭俱已矣時命復何如霽日冰
開浦炊煙雪壓廬凝情空有羨了不見春鉏至元嘉禾志東顧西新南于北主四城張堯同

嘉禾百詠注云吳越戰爭時所築後廢

泊南湖

太尉廢城雪沒先生孤杖帘招一笑百年此夜清風明月雙

橋文待詔夜泊南湖詩百年雲水原無定一笑江湖本浪遊清風明月橋名

吳興客夜寄懷徐上舍樹璧徐弼耕巖

及子稱僚婿愁思過廿年梅花涇閉屋荷葉浦停船易歷半
生事難成中夜眠唐韓兼李蔣莫必後俱賢唐光韓愈俱娶盧女李漢蔣係皆為愈婿

撰石齋詩集卷第八

